

C40
4514



10
1
2
3
4
5
6
7
8
9
20
1
2
3
4
5
6
7
8
9
30
1
2
3
4
5
6
7
8
9

C40-4574

了翁上座請大藏及有
東書置之武州紫雲山
我徵安塔院度府中永
為學者不敢許出院內
當山三世鐵山機讓



B 64853

慈山老人夢遊集卷二十五

侍者福善目錄 門人通炯編輯 嶺南弟子劉起相重較

楞嚴懸鏡

首楞嚴經懸鏡序

原夫首楞嚴經者乃諸佛之秘藏修行之妙門迷悟
之根源真妄之大本而其所談直指一味清淨如來
藏真心為體蓋此心體本自靈明廓徹廣大虛寂平
等如如絕諸名相聖凡一際生佛等同迷之則生死
無端悟之則輪迴頓息是以吾佛證此愍物迷之故
假大權發啟斯教大開修證之門曲示歸家之路是

以一部所詮從始洎終不出迷悟真妄二法然迷途
萬狀悟有多門若尅體窮源不無其要至若從迷至
悟之方返妄歸真之指端在楞嚴大定三觀妙門若
欲洞觀法界徹見自心觀體還源莫斯爲要慨夫文
詞簡奧義理幽深雖諸家註疏精暢發明而學者貪
程罔知捷徑致使理觀昧於陳言修習失於正受清
不揆固陋志嘗刻意斯文杜絕見聞寤歷冰雪顧智
識暗昧非敢妄擬聖心每於一線通途麤述鄙意庶
潛修之士若攬鏡以照形願卽事安心頓融藏性者
矣萬曆丙戌冬憨山頭陀德清書於東海那羅延窟

將通大義總啟二章

三分大義別具
通議茲不繁列

初大開修證之門

從初啟請
至結經名

次曲示迷悟差別

從精研七趣至
五十重陰魔

初中略有四意

一示三觀之體

二示三觀之相

三示三觀之用

四結三觀之名

初開修證門中有四意者良以真源湛寂絕生滅之
端法界幽玄泯聖凡之跡本無修證豈屬悟迷今依
不迷之迷故立無修之修斯有無證之證矣蓋迷真
逐妄遂沉生死之流今欲返妄歸真須建依真之行

而此經者蓋以一味清淨法界如來藏真心爲體依
此一心建立三觀依此三觀還證一心故曰無不從
此法界流無不還歸此法界是以阿難示同未悟不
達此心故一向多聞未得無漏不能頓拔生死之根
遂溺摩登婬舍之難由是殷勤故請三觀妙門故我
世尊先示一心照明萬法而首告之曰一切衆生生
死相續皆由不知常住真心性淨明體又曰有三摩
提名大佛頂首楞嚴王具足萬行十方如來一門超
出妙莊嚴路觀此二語足見全經之旨豈非欲令先
悟一心依之建立三觀修此三觀還證一心者乎洎

乎一往所答雖多方決擇委曲搜揚無非顯示一心
之源密陳三觀之體

從初卷至四卷中

因之起行造修勾引

二十五聖旁通悟入之方勅選耳根正是最初方便

從四卷半至六卷初

是使初心創志則知觀相分明然後任運

一心法爾淺深具有斷惑證真高下之用

從七卷初至八卷中

修斷已極故結指觀門使始終一源不出楞嚴大定
故以經名而繫之終焉此實通途之大旨也

初示三觀之體而此體者所謂常住真心性淨明體
卽一眞法界如來藏心也先示此體爲所觀之境要
依此體啟大智用故然此藏心具有三意一空如來

藏二不空如來藏三空不空如來藏

一空如來藏者謂此藏性其體本空一法叵得如摩尼珠其體空淨了無色相雖有隨方之色色不離珠以卽珠故真心本淨了絕妄緣雖有隨緣之妄妄不離真以卽真故名曰真空故爲觀者先示真心以爲觀體能觀此體名真空觀經名奢摩他亦名體真正此從經首阿難啟請世尊許說曰有三摩提名大佛頂首楞嚴王具足萬行十方如來一門超出妙莊嚴路起一徃七微八辯始則決擇真妄且云妄不是真以明五蘊身心不有世界本空破我法二執以顯本覺真如以至

三科七大會歸藏性然後真妄和融方顯妄卽是真從淺洎深大段總顯空如來藏理從初卷啟請至第三卷終

二不空如來藏者謂此藏體雖空具有恒沙稱性功德包含融攝纖悉不遺如摩尼珠其體雖淨具有圓照之用而能隨方現一切色色卽是珠以珠現故藏性雖空而能隨緣顯現十界依正之相相卽是性以住起故名不真空故爲觀者示此藏性以爲觀體能觀此體名不空觀經名三摩亦名方便隨緣止此從富那執相難性三種相續深窮生起之由委明循業發現之義總顯不空之體始從四卷初至本卷故發真如妙覺明性有半卷經文計一千五百餘言

三空不空如來藏謂此藏性其體清淨能應能現如摩尼珠其體淨圓淨故非色以卽珠故圓故能應非不色以卽色故非色非珠而此藏性其體淨圓淨故非相以卽性故圓故能現非不相以卽相故非相非性名空不空非相故空非性故不空非卽非離平等如如名曰中道故爲觀者示此藏性以爲觀體能觀此體名中道觀經名禪那亦各離二邊分別止亦名等持此從四卷中而如來藏非心等起至卽常樂我淨等文有二章幾二百言然上三諦體雖不二舉一卽三終帶名言猶存歷別未及一心之源難契圓融之旨必若離卽離非是卽非卽則藏心妙性徹底窮源絕

諸對待良以雙離則雙泯雙是則雙存存則三諦靈然泯則一心無寄寂照同時存泯無礙唯在忘言者可以神會絕慮者可以心通可謂妙契寰中泯同法界矣圓融圓融深思深思歷然不昧故佛開示已畢乃總告之曰上來所說藏性之理如此深妙如何汝等以所知心而能測度世間語言而能入哉且此妙理人人本具然雖本具隱而未現譬如琴瑟雖有妙音非妙指不能發衆生雖具妙心非妙觀不能顯且如我今證此真心安住大宅圓照法界凡有動作皆是大大用現前汝等迷之舉措云爲皆是塵勞業用故

夢遊卷之五
五
曰如我按指海印發光汝暫舉心塵勞先起此無他故蓋由不肖勤求得少爲足耳當機遂請何因有妄要顯妄元無因使悟妄不離真亦似頭非外得然此天然妙性不假修成但能一念回光方悟神珠本有故隨結責戲論切勸修持乃曰汝雖憶持十二部經不如一日修無漏業如何自欺尚留觀聽而不修之是以阿難聞說疑惑消除心悟實相遂乃請入華屋攝伏攀緣冀得陀羅入佛知見等由是觀之大槩一往開示藏性豈非欲令先悟一心依之建立三觀妙行然後行成解絕頓證一心者乎

初示觀體屬見道分竟

二示三觀之相者由前開示一真法界如來藏心而此心體具有廣大智慧光明義故說名爲智今以卽體之智還照寂滅之體理智一如離念離相各一心源了無說示今約真妄生滅之門會取返妄歸真之路方便施設亦有三重以智照理故單以觀名約妄相以明故曰觀相

且先略示觀門

一奢摩他空觀

二三摩鉢提不空觀

三禪那中道觀

一奢摩陀名空觀者謂了一真法界如來藏心本無
生滅亦無諸相益因一念不覺而有無明因此無明
生起三細六麤四大六根種種諸法而此諸法唯心
所現本無所有但是一心心體圓明離一切相如珠
中色本來不有以卽空故故曰色卽是空以色非色
故色不異空故名真空作是觀者名真空觀

二三摩鉢提名不空觀者謂了根身器界一切諸法
既是一心心體圓明清淨本然周徧法界隨緣顯現
此則諸法當體虛假如幻不實如珠中色分明顯現
全珠卽色以卽色故故曰空卽是色以空非空故空

不異色故名不空作是觀者名不空觀

三禪那名中道觀者謂依此寂滅一心照明諸法諸
法法爾當體寂滅寂故名空照故不空如珠與色非
色非珠名空不空非寂非照如如平等唯一心源湛
然不動離卽離非是卽非卽言語道斷心行處滅心
心無間任運流入薩婆若海作是觀者名中道觀

次正示觀相文中大科爲四

初總示迷悟之根 二正示一心三觀之相

三略示解結之方 四廣示最初方便

初總示迷悟之根者由前阿難聞佛開示已悟如來

藏性妙覺明心圓滿周徧備在於已不假外求良以
一向徒事攀緣不能攝伏今將思而修之不知造進
之方故有請入華屋之問冀得直捷之門即可乘便
而入因相而修故此科名三觀之相然世尊所示別
無其方先令決擇真妄分明然後隨宜調治故欲返
妄歸真造端不出二決定義意者蓋原迷此圓明湛
寂之真心結爲四大妄分六根根塵和合虛妄生滅
引起五濁業用煩惱使妙圓之體隔越而不通若群
器叅乎太虛湛淵之心渾濁而失照似塵沙投於清
水此則本不分而分元不濁而濁矣今欲卽生滅以

證真常旋虛妄而復妙覺要先以此不生滅心爲本
修因照破生滅之原次審所結之根誰是煩惱之本
若生滅入照則當下真常若煩惱知根則迎刃而解
斯則能照之一心心寂滅所照之萬法法法圓通
是以頓超五濁旋復一元若依此爲因心可圓成於
果證然則所迷之一心雖是本圓周徧能迷之六根
現前力用不齊今若卽迷返悟就路還家固爾門門
皆可窮源處處盡堪合轍良以初心昧劣不解圓觀
必須直指當陽要在一門深入由是備顯六根優劣
令審誰淺誰深淺則逆離而難通深則順合而易入

夢遊卷之五
果能入一無妄則六湛圓明諸妄消忘而一心清淨
如是則吾家之故物可歸諸佛之涅槃可證矣

此後重徵一六意顯粘湛而妄發深窮生滅之根元
再起斷見之疑驗出真常之妙性斯已密揀耳根以
爲初心方便若一心守真常而棄生滅則無上知覺
應念圓成得一旦常光顯現而生滅圓離則根塵識
心應時消落此實圓觀之秘訣破妄之神符還元之
旨妙在茲乎是所謂返妄歸真無出二決定義也

二正示一心三觀之相阿難聞前第二義門生滅卽
常之說遂起何名結解之疑意謂生滅不常可說爲

結今既常矣將何物而名結結既尚無從何物而名
解耶蓋前以常爲斷此則執妄爲真皆由不了迷悟
同根真妄一體故致斯問此實初心所混故須甄明
令其觀相分明不墮空有之見要顯中道之旨方契
一心之源故爾詣佛因而同告之曰使汝生死涅槃
者皆汝六根所致也豈又更容他物哉直由迷悟之
分故有結解之異耳如此明言當機猶自未悟世尊
因而解之曰根塵識性同一真源縛脫兩途元無二
致蓋因迷一真而妄見六根知見立知卽名生死了
六根而本同一體知見無見斯卽涅槃此實結解之

元豈可更容他物然此雖明空有未極一心何則蓋
一真之性不屬生死涅槃如來藏中本無去來迷悟
至若有爲起而無爲滅俱是緣生如目前之幻化無
爲起而有爲滅盡爲不實若眼底之空花況非真與
非真何有能見所見能見六根
所見六塵然而根塵之間元無
實體虛有其相故若交蘆是以結解同根聖凡無二
汝試但觀交中識性卽第八阿
黎耶識空有何名蓋由明昧
因依真妄互立迷之而六妄同生悟之而一真何寄
良由此體甚深微細熏變難思執之則真已非真取
之則非幻成幻苟不取而非幻尚無不執而幻法何

立如是則六根圓湛空有雙祛三諦圓觀是非齊泯
妙圓之旨盡在茲乎此則是名金剛三昧如幻摩提
修之而一念頓超擬之而諸佛同證此所謂十方婆
伽梵一路涅槃門若欲徑登彼岸直造妙巖唯此大
定法門故應修而證入也

三略示解結之方

上來已示一心三觀之相乃佛佛成道之門今將思
而修之爭奈初心不知直捷之方故有六解一亡之
間遠放選擇之談故我世尊精宣妙指巧示玄機聊
縮花巾將成六結以明依一巾而有六結結若解而

中亦不存要顯依一真而分六妄妄若消而真亦不立何則良以真淨界中本無此事生死涅槃皆卽狂勞顛倒華相故須真妄兩忘方可會歸中道直造一心之源耳故隨請解結之方審明下手之處除結當心以顯二邊無力當陽直入必須中道收功斯實入圓之要術破惑之利具唯其法門甚深恐難諦信世尊因而矢之曰我此說者乃出世微妙之因緣非世俗和合之麤相況我世出世法一一皆了元因矧此修行豈不知其節要如此功用不勞彈指而頓證無生不涉途程而徑登佛地是故阿難隨汝心中選擇

憑在何根用此妙術解之諸妄何愁不滅恐汝不能圓觀頓脫是須次第銷鏝先且選擇一根以爲最初方便若得此根初解五粘隨脫而先得人空從此觀智增明然後成法解脫若所觀人法雙空則能空觀智亦泯斯實藥病俱遣真俗兩融三諦靈然一心無寄如斯圓照任運冥樞是名從三昧以契無生卽六根而證常樂直捷之指無尚此矣初心方便妙在茲乎

四廣示最初方便

二十五聖一一皆是最初方便但觀音耳根一門堪合此

方之機故曰廣示

阿難聞前開示觀相分明已悟隨根皆可證入然猶不知隨處下手做作之方抑又未達的指何根堪作此界當機最初方便且將刻志進修冀成道果庶不失此嘉會辜負密言亦爲遠益未來成就最後開示故有請惠秘嚴之問然此秘嚴之旨乃吾佛自證根本法門甚深微妙難解難思果海離言了無說示今茲曲垂指示須藉旁通故假二十五聖各說最初方便意顯三科七大隨處皆可還源大小三乘遠近一齊趣入且令諦信不疑托此將爲證據是以諸聖奉勅用解先登或析色體色以取單真或卽俗離俗要

歸中道偏圓互煥星月交羅深淺齊驅牛羊共渡斯則門門總是圓通法法盡成解脫苟能入此三昧證是妙門隨處而常光普照應念而諸佛現前水流風動共演圓音世界山河普現三昧至此始知自他不二依正互融消習漏於刹那廓衆塵於一念無作之行芬披真常之樂自現然此秘嚴利器付之勇猛丈夫有何堅而不破又何結而不解哉然雖正偏兼到順逆皆通不知此界當根誰爲要妙若是塵中作主非大智無以潛眸闢裏奪尊非大悲不能下手故勅文殊揀選誰合此方之機唯獨觀音耳根可作最初

方便何則原夫覺海澄圓圓澄元妙本無世界及與衆生直以一念纔興空漚頓起諸緣不息三有齊生是以六處妄分諸塵妄隔使圓通妙體不得而圓通常住真心莫得而常住矣若約妄法全真斯則歸元之性不二奈何根機不一是以方便之路多門在乎聖性順逆皆通屬之初心不無遲速今者若就六塵而入六塵之體本非常住若依五根而入五根之性匪涉圓融若憑六識而六識生滅宛然若假五大而五大無知昏鈍若據見性雖則都攝六根然尚在能所未能忘照若觀識性雖則包含萬法猶存分別難

以契真今若剋合此方教體的示機宜速取三摩實從聞入何者良以聞根圓妙十處周聞聞處虛融墻垣莫隔音聲生滅聞性恒常寤寐一如身心不及此則可由聞性以證真常從耳根而入妙覺矣況復此界衆生此根最利投機之指莫尚於茲良由迷本循聲故此流轉生死果能旋流無妄豈不頓契無生此是金剛三昧如幻妙門如斯秘密絕要真修何不將聞以自聞聞豈有畜聞而成過誤況聞非有體因聲以名若旋妄遺塵則性何名狀此所以一根既返源六根成解脫也其如六根幻翳三界空華今聞復而

翳除則塵消而覺淨淨極光達寂照舍虛根境皆空
猶如夢事安有夢中之境而能留汝形骸耶大槩世
間男女皆如幻以幻成雖見搖動全一機抽若機息
而幻消則情忘而執謝圓明妙體當下現前諸佛衆
生應時平等矣如斯妙利真實圓通何不旋倒妄之
聞機返自聞於真性以成無上之道哉此是微塵諸
佛一路妙門三世聖賢修行捷徑非但觀音獨擅我
亦從中證入是若將救末劫求出生死之人欲速成
就菩提無過耳根爲最斯乃大小共由之門淺深同
說之法但依此修超乘餘根真實心要莫斯爲妙者

矣於是當機聞說自心了然明見還家歸真道路斯
則觀相分明現前無惑奈何未來末法邪道亂真其
有依教信行之輩如何攝心軌則得正熏修安立道
場遠諸魔事故發度人之請遠益未來之機通會長
途猶屬行門之事然世尊所答別無其方直以毘奈
耶中三決定義所謂攝心以戒定慧是生三者圓明
可超諸漏然前見道明心已開慧性修道方便定相
圓明至其戒爲基本尚未明言今若得正熏修須憑
定慧若欲違制行業必稟戒輪且夫生死之海滔天
始於濫觴之念煩惱之林翳日生於萌蘖之根今若

絕末停流端在塞源拔本戒雖多品四重爲根根本
不生枝流自絕然而真修以離欲爲本故先矧欲首
懲生死以寃負相牽故次殺盜隨舉妄言矜俗貪愛
潛滋委論酬償殺盜相若爲其永殞善根不成三昧
故例屬重尤是須併斷若欲圓成修學必先持此水
清果能四事不遺自然遠諸魔事正行可成正定可
入然而現行易制宿習難除是須誦我無上佛頂心
咒此則顯密雙修三慧竝運庶幾三障可破三惑可
除而三界可超三身可證矣況此神咒功力速疾冥
資但能依教加持破惑如霜遇日是以略陳軌則令

依清淨之師若要詳悉壇場必使衆緣具足身心俱
淨事理齊修庶指日以取菩提刻期而成聖果妙圓
之行誠在斯矣歸真之要妙在茲乎是故宣揚神咒
使衆咸聞廣顯功能策令諦信方盡修道之門統收
妙圓之行耳

二示三觀之相屬修行分竟

三示三觀之用者上來所說觀相分明得倚圓根卽
可乘便直捷而入依之造修任運一心法爾不無斷
惑淺深證真高下之用是故阿難聞前顯密開示得
正熏修身心快然獲大饒益然猶不知如是修證未

到涅槃始從凡夫終至佛地中間漸次名目以何而至是故請問五十五位真菩提路要顯圓妙觀行有此能斷能證之力用轉凡成聖之功能故名三觀之用也然世尊所示先明二種顛倒妄類之因後示五十五位真家之路所以然者何也良以妙性圓明真源湛寂本無迷悟安有聖凡蓋由一念纔興則三有之空華亂起寸心方歇則一真之幻影全消是所謂生滅名妄迷之則生死無端滅妄名真悟之則輪迴頓息然且生死界寬總之不一十二類涅槃道遠要之不過五十五程實由迷一真而爲六想則二種

顛倒相因悟六想而本一真則二種轉依是號是故汝今欲修三昧直請涅槃先當識此顛倒之因斯可圓成真三摩地何則良由迷真覺而成不覺故號無明遷無生而作衆生是稱顛倒此則本不生而生斯有無生之衆生本無住而住故有無住之世界是以迷輪不息則生死之業何窮妄念不休則遷流之世何已且既能以一念之迷妄動而六想橫發輪廻於十二類生則可以一念之悟無生而三觀齊修證取於五十五位由是觀之則衆生實約四蘊之心世界端指色蘊之質此則全憑正報以顯悟迷總屬衆生

以明真妄是所謂使汝流轉生死速證妙常皆汝六
根更非他物意此豈非知見立知卽無明本知見無
見斯卽涅槃者乎細尋大旨詎不信哉然全妄卽真
顛倒具於妙圓真心全真卽妄修證本於元所亂想
故三種漸欠因之而建立五十五位由是而進趣何
也蓋六根相續端由婬殺爲因諸苦長淪直以盜妄
爲本今將長揖三界永越四生必痛絕助因使正性
剝而不發制止現行令根境偶而不行如是則根塵
混合心境俱空身土皎然自佗圓證此則始從觀行
以至分真永斷無明而躋妙覺然重重觀察位位研

窮莫不皆以首楞大定三觀妙門單複圓修漸次證
入者矣三觀之用無尚此耳一生取辦其在茲乎修
斷已極故結歸觀心以終其請故曰是種種地皆以
金剛觀察如幻十種深喻奢摩他中用諸如來毘婆
舍那清淨修證漸次深入者也

三三觀之用屬證果分竟

四結三觀之名者由前一往開示令其先悟妙圓心
體依之建立圓妙行門藉此妙行圓修還證妙圓之
體此則背塵合覺之行旣終返妄歸真之路明矣故
文殊請問經目意在結指觀名何者蓋約世諦而談

則明無得物之功是卽有名無實若就勝義而論則
理有當名之實斯卽有實有名良以上來所詮之義
若理行因果俱屬圓融然則能詮之文若教相名言
皆歸究竟由其理趣深玄故一言難盡偏圓互煥五
目方周意者前來開示要妙法門若剋體而名乃是
如來藏心一實相印海眼真經故名大佛頂薩怛多
鉢怛囉無上寶印十方如來清淨海眼若就用而言
則凡在有緣皆堪受度惑無不斷真無不窮故名救
護親因度脫阿難性比丘尼得菩提心入佛知見若
的指因果皆真則佛佛資成之始無非究竟指歸故

名如來密因修證了義若合論體用廣大因果同時
則含染淨而不易自在難思具性德而無遺出生無
量故名大方廣妙蓮華王十方佛母陀羅尼咒若據
法身所演中道名言契之而頓紹佛家修之而不出
大定故名灌頂章句諸菩薩萬行首楞嚴斯皆稱實
以彰名隨德以立號要之不一心統之不離三觀
此所謂言雖請問經目意在結指觀名是則教理行
果皆歸大定之源真妄悟迷總入如來藏心者矣大
事因緣莫過於此開示悟入無尚茲乎

四結三觀之名竟

上來七軸半文通科判爲大開修證之門開此四章
良有所以顧初心草創誠昧細詳若論宏綱略題大
要冀潛修之士同志高人先請熟讀經文然後安心
觀法覽斯文而通會忘言象以冥符願一旦常光顯
現使根塵識消則佛法身心皆爲餘事矧此妄識依
通豈非利語者哉

已上大開修證之門竟

次曲示迷悟差別

上來開示一心真源已徹三觀妙旨大通迷悟之狀
悉陳凡聖之情盡矣然迷唯一念因情想亂發而取

七趣之升沉悟止一心因妄見橫生而取五陰之魔
擾故曰自心取自心非幻成幻法故我世尊真慈痛
發摘膽刺心精研七趣因情想而分內外多少之不
同詳辯陰魔約妄見而顯心觀淺深之不一所以然
者直欲吾人思地獄苦發菩提心知有涅槃不戀三
界嗟呼人者苟能執此金剛寶劍如幻定門斬愛根
於當下則三有之空華影滅世界平沉拔見刺於刹
那則一心之幻翳全消虛空粉碎直使纖塵不立一
念不存成佛果於今生消習漏於曠劫此所謂圓滿
菩提歸無所得矣如是信受如是奉持是真精進是

名眞法供養可謂雄猛丈夫大自在安樂人也有何
恩而不報有何德而不酬耶不然則墮復墮矣豈不
痛哉

憨山老人夢遊集卷二十五終

憨山老人夢遊集卷二十六

篋著福善目錄

門入通炯編輯

嶺南弟子劉起相重較

妙法蓮華經擊節

原夫世尊唯以此一大事因緣故出現於世所謂開
示一切衆生各各本有佛之知見令其悟入卽得現
前實證唯此一事更無餘事悟此知見卽登佛地故
名一乘旣如來出世唯爲此一大事故所說之法唯
有一乘更無餘乘而一代時教其所顯者唯一乘理
行因果而已由前四十年中根機未熟故所開示者
特三乘理行由顯理未圓故行匪眞行而果非眞果

皆非究竟佛慧但爲資發前導皆爲方便權設以爲入佛智慧之門耳然言雖方便而實指歸一乘寂滅場地如標月指故云我今知諸衆生有種種欲深心所着隨其本性以種種因緣譬喻言詞方便力而爲說法如此皆爲得一佛乘一切種智故是則凡所言說皆爲一乘奈彼劣解之機如言取執不得離言之旨故佛於般若會上多方淘汰根機漸熟故前此於楞伽會上說離心意識自覺聖智境界以破外道妄想之見以祛小乘名言之執直示究竟一乘實相離言之道直欲衆生現前頓證諸佛自覺聖智之地

今則已蒙直指人人本有佛之知見卽是諸佛自覺聖智則諸聞者易信易入根機已熟故於此法華會上依前智境直示妙行以爲真因將欲依此真因頓契真果故最初建言卽云說無量義經入無量義處三昧然無量義者殊非多多之謂也蓋顯示此一乘自覺聖智境界離心意識限量故此則頓以離言之智直示衆生令其默識而悟入之可謂先以定動者矣然此智境非中道妙智不能入故放眉間白毫相光要顯示衆生日用根塵識界卽諸佛自覺聖智境界故光照萬八千土然生死涅槃本來平等故光中

圓現法界事相生佛始終昭然在目意在顯此實相
心境乃諸佛所證衆生所迷卽今欲令衆生現證故
直指現前纖毫不昧至若天雨四花地搖六震可謂
通身吐露徹底掀翻意要人人不言而悟當下薦取
由吾人未離心識依然眼鈍頭迷難免分別不能諦
信以依識分別故彌勒騰疑所以必問文殊者意顯
此實相妙境非智莫證故也及啟問文殊迺引燈明
之本始證今日之瑞相此則曲唱傍通已爲指點分
明說破可謂後以智拔者矣奈何吾人知見未忘故
於不言之道終難領會仍須復以言說而開導之是

則凡涉語言皆方便也故世尊出定不得已而又假
言說以竅啟之爾迺明告之曰諸佛智慧甚深無量
其智慧門難解難入不獨一往四十年中所說皆爲
智慧之門卽今日入定放光現瑞之事皆入智慧之
門也惟此離言之道唯佛與佛乃能究盡殊非心識
思量分別可到旣曰無量豈心量可知耶昔時曲說
容可不悟今特直示尚爾曹然信乎此智慧門真難
解入也何者以前無量無邊方便譬喻因緣種種言
詞皆爲顯示一乘欲令究竟皆得佛智慧故奈何聞
者隨語生解畢竟不能悟入今日之事以化緣將畢

夢遊卷二十六
三
涅槃時至勢不容已故如來極盡神力而大發揚之
直欲衆生明見自心了悟實相見本法身各各現證
盡捨如言之執究竟自覺聖智離言之處故始於一
光東照顯法界之真機終於四法成就證普賢之常
德由是觀之則全經二十八品通爲發揮開示悟入
佛之知見四字而所敷演者皆光中境界而已此外
何有剎法耶所以然者由衆生本是佛之知見奈何
本有而不知觸目而不見今欲返妄歸真必須先悟
本妙明心故先示理境然後依理起行淨治塵沙無
明之惑方能證入然此真理非智莫照故先依文殊

大智以創始非行莫證故後以普賢妙行以成終故
前二十二品皆顯示一乘圓理意將依此圓理而爲
真因後六品皆顯示一乘妙行意將依圓理而起妙
行依妙行而成妙德智行冥合理智一如方證妙果
故以普賢四行以收功所謂無不從此法界流無不
還歸此法界故華嚴以信解行證爲成佛之基此經
以開示悟入爲成佛之本由方便言說開示而發信
從信而發解依解而起行行成解絕方能證入二經
始終一貫意實相符由是觀之其顯理之文皆信解
之旨也

然顯理有二十二品其序品者乃總示法界之真機
令其開悟而證入者也其從方便至法師九品經文
雖曰三周說法授三根記其實別爲大開一切衆生
平等佛慧也以此佛慧各各具足無欠無餘但能知
此無不頓證故曰凡有聞法者無一不成佛若有以
此法而教人者卽爲大法師意顯此事雖則人人具
足故如高原凡有鑿者無不得水此但正因佛性耳
是須必籍緣因方能顯了而法師者卽緣因也但能
心契佛心行契佛行所謂入如來室着如來衣坐如
來座意顯能信解受持此等法者卽是法師也故曰

隨順是師學得見恒沙佛是則緣緣之中慧命不斷
則可終期實證至若譬喻因緣種種之說者皆欲顯
此常住佛性第一義諦一心之妙皆光中之境吾人
日用之事耳故但有能信此法者卽入法位所以乃
至持一偈一句一念隨喜者我亦與授菩提之記故
皆一一授記成佛唯是但因方便開曉令生信耳非
由解行而證入也故唯授記而已然雖授記而又經
多劫者蓋顯理則頓悟乘悟併消事非頓除因次第
盡所謂頓悟漸修者也以一念頓悟自心與佛無二
卽名見性成佛尚有無始以來歷劫塵沙煩惱無明

未能頓淨故須經歷多劫方能究竟苟能當下一念頓斷無始無明卽名歷多劫矣所謂觀彼久遠猶若今日以此法中一念不生三際頓斷古今一際凡聖齊平故法師已前十品經文總爲大開衆生佛之知見也

然但以言開曉聞者唯信其言而已未能明見自心之妙卽有所悟乃應化之跡耳非見法身境界也所謂猶處門外止宿草菴終滯權跡故須宣示法身實報真境使令頓見自心之妙方爲實證是則現寶塔品乃頓示自心以顯法身之象也所謂開方便門示

真實相欲令衆生知此見此實相真境耳吾人苟破無明頓開心地卽此五蘊身心便見法身真佛故見七寶妙塔湧現其前高五百由旬此真實相妙法乃法身所演以說無所說故於塔中出大音聲以妙契法身故多寶印證宗本無住故塔處虛空聞無所聞故怪未曾有以此佛性常住不滅故塔中有如來全身以體卽無生故凡有說此經處卽皆現證以淨智妙圓故白毫光照十方以此智性人人本具各各不無故分身諸佛一一蒙光照燭以心心寂滅故徹照十方世界盡是寂滅道場以法法皆真故三變八百

萬億多國通爲一佛淨土到此則根境雙亡善惡齊泯故三途頓空天人不見恒沙性德本自圓成依正互融自他無礙故十方分身諸佛齊集其中然雖如是猶在半途以生滅之見未忘取捨之心未泯此所以願見多寶而未及見也此正古德所謂直饒做到如寒潭皎月靜夜鍾聲隨扣擊以無虧逐波瀾而不散猶是生死岸頭事何以故由生死幽關未能迸裂是須以無依智隨順覺性而開發之此所以釋迦住虛空中以右手指開七寶塔戶也直使無始無明一念頓破因地一聲虛空粉碎故如却關鑰開大城門

如此則本有法身一念頓現故多寶如來全身不散如入禪定以感應道交故爲聽是經而來至此以生滅情亡真應不二故釋迦多寶共同一座惟此因緣人人本具各各不無故大眾願見多寶第以生本無生非情識可到故佛座高遠以住本無住故接大眾皆在虛空此乃衆生之性德故直示如此令其共知共見現證不疑斯則諸佛之本懷已露利生之能事已畢然雖如是迺空華佛事水月道場豈實法耶故卽便唱言如來不久當入涅槃欲令此法常住終古同遵意在得人期慧命無窮永永無盡故曰佛欲以

此妙法付囑有在由是觀之則現寶塔一品正乃直
示一切衆生日用現前佛之知見也

然此甚深妙法乃諸佛自證境界無上第一秘密之
藏所謂諸佛智慧甚深無量其智慧門難解難入者
此也故偈文廣讚此經最爲第一若有持者卽得佛
道方是真佛弟子且曰能解其義者則爲人天眼目
況實證乎斯則由信發解因開示而了悟此心故此
已下從提婆達多至如來壽量五品經文皆發悟自
心之象也然其此法已蒙開示人人本具各各不無
奈何迷之已久煩惱根深我法纏眠頓難悟人是必

借因緣而悟苦求而得是則提婆達多品乃顯悟無
易難亦無愚智至若如來大智尚從多劫勤苦中來
此悟之難也若龍女八歲當下頓證又何易易意顯
有求者徒勞多劫亡心者悟在剎那只於生死海中
一念轉變之力耳唯在法愛情忘分別念息自然了
悟便登不退故龍女獻珠之頃卽往南方無垢世界
坐寶蓮華成正覺也若夫憎愛之念未忘取捨之
心未泯斯皆法執未盡我見未消是故不能悟淨圓
覺此其驚子智慧難免懷疑故說持品以顯小乘不
堪受持此法難於涉俗利生意須上根利智廣大悲

心難行能行難忍能忍妙契無生不言而喻者方堪
涉俗故如來默視八十萬億那由陀菩薩此正激發
小機昭廓大見耳而此菩薩頓契佛心便師子吼而
願往返十方世界如法修行種種苦行皆當能忍且
曰佛自知我心所謂師資雅合水乳相投是則已得
其人矣雖有堪荷之人若求而不得其方亦不能悟
以煩惱根深最難調伏故說四安樂行以示悟之之
方意令悟此法者先以三業清淨性戒爲尊必須心
契佛心以大悲爲首故要入如來室行合佛行以忍
辱爲先故要着如來衣然佛智如空無所依是必往

依佛住安住法空故欲坐如來座方能頓悟此法故
涉俗難煩惱方能易破故如戰勝有功而得髻珠
之賞也是須自信自心自參自悟方堪紹佛家風故
從地湧出品乃顯自心開發之象也所謂從門入者
不是家珍向自己胸中流出方始蓋天蓋地所以他
方來者雖是菩薩猶尚不堪故云不須汝等護持此
經我自自有六萬恒河沙衆是時大千國土應聲震裂
而無數菩薩同時湧出惟此恒沙性德本自圓成只
在人人六根門頭放光動地應用不缺故有六萬恒
河沙衆身有無量光明以根塵同源縛脫無二故先

盡在此世界之下以中間無實故若交蘆故云虛空中住以現前煩惱皆從法性所流故云先所教化以事事皆真頭頭盡妙故云大衆皆是唱導之首以一行徧融一切行一法徧含一切法故一一皆有多多眷屬凡有所作皆回向法身故各詣虛空奉觀多寶釋迦二佛頭面禮足以此妙契佛心故問訊世尊種種安慰而世尊印許如此方能得聞是經入於佛慧也斯乃法身邊事非心識可到故彌勒與八千恒沙大士皆起疑心而如來至此方大開秘密直示本元常住心地故云如來今欲顯發宣說諸佛智慧諸佛

自在神通之力諸佛師子奮迅之力故說壽量一品以示法身壽量竭盡本懷以顯妙明常住真心不動周圓徧十方界隨緣普應妙化無方修短隨緣隱顯無礙以明如來智慧甚深無量以種種方便示現利生以明其智慧門難解難入之意也且云我處靈山常在不滅大火所燒此土安隱以顯實相真境此非佛之知見又何能知此見此哉此佛之真知見力自覺聖智境界所以大地三乘以思量心不能測度也宜矣是則提婆達多持品安樂行從地湧出如來壽量五品經文皆令衆生悟佛知見也明矣若夫分別

功德以極顯妙悟自心無爲功德之勝益也然持經
功德勝刹寶施福者此激勵小乘起慕大之心也多
劫修行五波羅密不如聞如來壽量之功德者此策
進權教菩薩令其捨權證實也其有一念隨喜功德
福報難思者正顯此法以信得入也其有一念毀謗
之罪窮劫不盡者所謂不信之罪衆罪之上此勸發
闡提外道令發大乘正信也若有修行之功其福又
不可量者意在專令凡夫一生取辦不生佛道長遠
之怖也若能精持流通此經之法師則得六根清淨
之功德者此廼揭示現證之一班以明精持利益又

過於一念隨喜者也若常不輕可謂了悟平等真如
深造而自得者故以佛性種子普觀四衆而授記也
到此揀擇情忘是非執謝可謂妙悟之極如此方能
堪荷大事故說神力品以顯悟心功德難思之象也
故地湧之衆至此方誓持經如來極盡神力而大發
揚之以顯悟心功德廣大不可思議也吾人苟能到
此徹悟唯心境界則無一事而非佛法故如來於大
衆前現大神力出廣長舌上至梵天也無一色而非
佛身故遍身毛孔放無數色光遍照十方諸佛之身
也至此境界則依正互融自他不二矣所謂無邊刹

海自他不隔於毫端故十方諸佛亦復如是放無量光也十世古今始終不離於當念故諸佛亦現神力滿百千歲也如我按指海印發光咳唾掉臂皆冥冥際故警欬彈指之聲徧至十方世界也到此則一切衆生皆證圓覺有情無情齊成佛道故彼十方八部天人皆遙見佛說此妙法華經也苟能了悟自心則轉煩惱之具皆作成佛之真因故所脫嚴身之具皆成寶帳徧覆此間諸佛之上也心境廓徹限量消忘故十方國土通達無礙如一佛土也然吾佛極廣大之神力盡衆生之界門若欲以此顯示妙悟之功德

經無量劫猶不能盡者以顯自覺聖智殊非心識之境界也以如來一切所有之法一切自在神力一切秘要之藏一切甚深之事皆於此經宣示顯說此所以極言一切有爲莊嚴功德總不若受持此經之勝也然所以廣讚持經功德之勝如此者言雖顯法勝妙其實發起二乘樂大之心也直欲人人極證心源方堪荷負大法耳故云是人於佛道決定無有疑故此以後卽說囑累品以終如來出世說法之本意焉然世尊從法座起卽以右手摩從地湧出無量諸菩薩頂安慰而囑之曰我於無量百千萬億阿僧祇劫

修習是難得阿耨多羅三藐三菩提法今以付囑汝等汝等應當一心流布此法廣令增益如是三摩諸菩薩頂囑當受持廣宣此法令一切衆生普得聞知者以一切衆生各各本具佛之智慧如來智慧自然智慧一向迷而不知今如來於此經中盡與開示無所秘密所謂如來是一切衆生之大施主也且去未來世中若有一人能信如來智慧者即當演說此經使得聞知者爲令其人即得佛慧故也苟能如此方便度生可謂報佛深恩矣由如來叮嚀之意也殷菩薩奉持之心也切故菩薩各各歡喜益加恭敬乃至

三反俱發聲言如世尊勅當具奉行願不有慮也是則如來出世本爲開示衆生佛之知見令其悟入而已今重重開示已至忘言而聞者解悟之心亦已洞徹此則衆生悟解之心已極在如來之能事已周若夫起行造修是在各人自耳耳故令十方諸佛各還本土各隨所安也尚有行證未圓故留多寶佛塔還可如故也此其二十二品通擬開示悟門以成信解之資故後六品通是以行成德是所謂先依圓理以發圓行後依圓行以證圓理解行相資方克究竟之果以顯入佛知見之極致也

藥王菩薩本事已下至普賢勸發六品經文皆明以
行成德以顯入佛知見之象也然發行之初必以藥
王發揮者以觀智之藥治煩惱之病智起惑亡應念
化成無上知覺得大自在故稱藥王衆生所以不自
在者以有我法二執爲礙故也二執有二一分別二
俱生今既悟妙心以卽心止觀之力淨破分別我法
二障卽登初地故藥王然身破我執之象也喜見然
臂破法執之象也欲破二障非淨智不能故所師之
佛名日月淨明德了悟本有法身證平等真如故得
現一切色身三昧此從初地以至七地之象也以此

真如內熏故服諸香油以頓捨藏識故光照八十萬
億恒河沙世界其中諸佛同時讚歎如此方名是真
精進是名真法供養也然前七轉識旣消則根塵俱
泯故其身火然千百二歲此則入正法位不離佛家
故復生於日月淨明德佛國中以常光照明故云彼
佛今故現在此入八地之象也然而至此雖破俱生
我執尚有俱生法執未忘而法身之見未泯故白言
世尊猶故在世以法身不許彼此迭相見故雲門云
直饒透過得到法身邊若法執未忘已見猶存亦是
光不透脫此亦須泯故本佛於夜後分入於涅槃而

喜見菩薩卽捨兩臂此分破俱生法執之象也所謂分別二障極喜無法執俱生地地除以但破其執不破其法故兩臂還復如故此皆資法華實相三昧之力故廣讚此經功德真實妙利凡有修者無不獲益故如寒得火如裸得衣如病得醫也

若此法華三昧止觀之力深進不已從八地出當九地十地居法師位說法利生妙應無方所謂清淨妙法身湛然應一切故說妙音菩薩品以示現一切色身三昧之實證此示妙行出真入俗之象也問曰說此品時釋迦牟尼佛放大人相肉髻光明及放眉間

白毫相光徧照東方百八萬億那由陀恒河沙等諸佛世界過是數已有世界名淨光莊嚴其國有佛號淨華宿王智者何耶 答曰此舉果以驗一乘真因之象也按楞伽說如來最上一乘禪已乃云若聲聞緣覺能除一切過習覺法無我是時乃離三昧所醉於無漏界而得覺悟旣覺悟已復入出世間上上無漏界滿足衆具當得如來不思議自在法身此法身卽意生身也又云有三種意生身一三昧樂正受意生身謂初地乃至八地盡真如際已捨藏識斷俱生我執安住心海起識浪不生自心寂靜住三昧樂知

自心現境界無性是則前喜見者乃住三昧樂意生
身之象也而彼現一切色身三昧者乃了唯心境界
之象證三昧樂之意生身也此但能受三昧中樂故
不能現一切身二覺法自性性意生身謂從八地觀
察覺了如幻等法悉無所有身心得如幻三昧及餘
三昧門無量相力自在明如妙華莊嚴迅疾如意猶
如幻夢水月鏡像非造所造如造所造一切色種種
支分具足莊嚴隨入一切佛刹大衆通達自性法故
是名覺法自性性意生身三謂種類俱生無行作意
生身所謂覺一切佛法緣自得樂相是名種類俱生

無行作意生身由是觀之而妙音菩薩品乃示第二
覺法自性性意生身之象也然眉間白毫者表中道
妙智乃因心之象也頂上肉髻乃無見頂相無上果
覺之象也以八地菩薩證一心真如進至九地發真
如用得如幻三昧現身說法居法師位故名妙音以
真因心契會果覺故肉髻白毫二光齊放以入出世
間上上無漏界故光徧照東方百八萬億那由陀恒
河沙等諸佛世界以法報齊證故名淨光莊嚴以清
淨真因妙契果體故其國有佛號淨華宿王智因果
冥會則能以一音演無量法得十無盡句故此國菩

薩名妙音也此位得如幻三昧及餘三昧門故得妙
幢相三昧等百千萬億恒河沙等諸大三昧也以果
地覺爲本因心故釋迦牟尼佛光照其身也以此位
菩薩能憶念本願隨入一切佛刹大衆化通自性德
故願往娑婆見釋迦佛及諸菩薩也以此地菩薩能
現無量自在神通如妙華莊嚴迅疾如意故不起于
座身不動搖以三昧力先於座前化作八萬四千衆
寶蓮華也此菩薩非身現身猶如幻夢水月鏡像非
造所造如造所造一切色種種支分足具足莊嚴故
目如廣大青蓮華葉正使和合百千萬月其面貌端

正復過於此身真金色無量功德莊嚴威德熾盛光
明照耀諸相具足如那羅延堅固之身也以此地菩
薩十方諸佛所有法雲法雨悉能含受故所師之佛
名雲雷音王以根根塵塵周遍法界具足法樂普於
塵勞隨根示現故萬二千歲以十萬技樂并奉八萬
四千七寶鉢而能承事十方諸佛淨佛國土故親近
供養多佛也不動本際而作度生事業故現種種身
處處爲諸衆生說此經典此正當九地十地以極等
覺之象也以此示衆生日用現證之象故與俱來者
八萬四千人皆得現一切色身三昧而此娑婆世界

無量菩薩亦得是三昧及陀羅尼也以用不離體故
還歸本土圍繞白佛也狀此神通妙用只在四大根
塵之間身心轉變之力故四萬二千天子皆得無生
法忍此正覺法自性性意生身之象也以出入三昧
故有往來之相若夫觀音普門示現齊觀並照則無
彼此去來之跡是則觀音妙應乃示種類俱生無作
行意生身之象也狀此意生身乃從等覺入於妙覺
果海已得諸佛自覺聖智善樂深入妙莊嚴海逆流
而出現十界身無思而應所謂妙相莊嚴聖種類身
一時俱現猶如意生身土自他無障無礙故云種類

俱生無作行意生身此乃入妙覺後大圓鏡智平等
顯現故名普門示現神通之力也由觀音大士以如
幻聞熏聞修金剛三昧力故生滅既滅寂滅現前忽
狀超越世出世間即得上與十方諸佛同一慈力下
與六道衆生共一悲仰故能以一身普應一切故能
三十二應四不思議十四無畏十九說法八難二求
無不感應此妙行圓滿法華三昧之成功妙極於此
矣冥心聖旨可謂理極忘情謂如何有喻齊到頭霜
夜月任運落前溪信乎是法甚深奧少有能信者惟
深造自得者諦信不疑耳由是觀之至此妙行既圓

因契佛心故感三種加持防非離過使行人外魔無
擾內習無餘方能得二轉依克全妙果故說後三品
以終其會也三種加持者謂神力加持法力加持現
身面言說加持如次三品當三種加持則陀羅尼品
迺神力加持之象也楞伽唯二種加持謂現身面言
說及手灌頂神力以此經由開示悟入故須法力耳
梵語陀羅尼此云總持謂總一切法持無量義乃一
心之異稱而云神咒者乃一切諸佛秘密實相心印
卽如世之大將兵符耳上根利智修行之士能一超
直入奈何無始習氣微細幽潛雖以止觀之力而消

磨之蓋有深固幽遠殊非智力可到者苟非仰仗諸
佛如來秘密心印咒輪而攻擊之倘內習一發則外
魔易侵如此又何能出生死證真常而入寂光淨土
哉是故修行者無有一人不仗秘密神咒收功故也
蓋行有顯密前正觀之力所謂顯行此陀羅尼乃密
行耳首楞嚴云若修行人習氣未除應當一心誦我
悉怛哆鉢怛囉秘密神咒此所以法華三昧妙行功
圓世尊憂愍末法復說此陀羅尼品以深防邪誤是
所謂以神力加持也首楞嚴云十方如來因此咒心
得成無上正徧知覺十方如來執此咒心降伏諸魔

制諸外道十方如來乘此咒心坐寶蓮華應微塵國
十方如來舍此咒心於微塵國轉大法輪十方如來
持此咒心能於十方摩頂授記十方如來依此咒心
能於十方拔濟群苦十方如來隨此咒心能於十方
事善知識四威儀中供養如意恒沙如來會中爲法
王子十方如來行此咒心能於十方攝受親因令諸
小乘於秘密藏不生驚怖十方如來誦此咒心成無
上覺坐菩提樹入大涅槃十方如來傳此咒心於佛
滅後付佛法事究竟住持嚴淨戒律悉得清淨又云
汝等衆生未盡輪迴發心至誠取阿羅漢不持此咒

而坐道場令其身心遠諸魔事無有是處噫諸佛尚
狀況此末法業垢衆生乎以此神咒廼佛佛心印故
皆云六十二億恒河沙等諸佛所說而說咒藥王爲
初者以此密印爲妙行之首故次卽毘沙門說者以
天王爲護世四王乃生死界之主毘沙門乃北方之
天王也北方之卦爲坎坎者陷也以一陽陷於二陰
之中以示生死險難之象故行人於生死險難之中
而欲頓證菩提非神力加持又何以濟衆難出險道
乎次卽持國天王者持國乃東方之天王東方之卦
曰震震者動也東爲群動之首易曰吉凶悔吝生乎

動也論云動必有苦是則行人於生死動亂之中而
作至靜之行苟非神力加持又何以臻寂滅之境哉
至若南方之卦爲離離者麗也虛明之象西方之卦
爲兌兌者說也若夫虛明悅豫之境則無庸加持故
彼二天王不須說耳而此繼之以羅刹女者羅刹乃
幽昧之鬼且飛行而食人肉者女則陰邪之至此示
無明羅刹業習戕害法身今以止觀研窮化無明而
作妙明心光故羅刹女亦以身自擁護受持讀誦修
行是經者頓令無明三毒淨盡無餘所謂令得消眾
毒藥也以妙契法身潛通法界故香供爲尊一切煩

惱應念化成無上知覺故種種諸燈供養而爲第一
此則六根清淨八識圓明故六萬八千人皆得無生
法忍此皆神力加持之益也神力加持外魔旣消苟
非法力內熏又何能淨除內障證二轉依哉故說妙
莊嚴王本事品以示法力加持之象也楞伽經云若
不以神力建立者則墮外道惡見妄想及諸聲聞衆
魔希望不得無上菩提是故初地至七地有相觀多
若不加者則墮外道惡見其八地已上無相觀多若
不加者則墮聲聞二乘之地九地十地等覺不加不
能入妙由是觀之則前神咒加持迺從初地至七地

之象也故但言遠諸魔事今此品者迺九地已上入
妙之象故言二子轉父邪心而同出家乃本覺出纏
之象也何以明之妙莊嚴王者乃如來藏在纏之象
也今顯發本真故曰本事以如來藏本是妙嚴果體
故今迷之而爲阿賴耶識名八識心王由此而有前
六七轉識造種種業受種種苦若轉六識而爲妙觀
察智則藏識無染污可受故名淨藏若轉七識而爲
平等性智則分別之見卽消見分亦泯卽得法眼清
明故名淨眼此轉染令淨之象也轉此二識全仗止
觀之力故淨德夫人者止觀之象也以夫人坤德也

柔順之至多內助之力又始覺之象也以止觀內資
隨順覺性淨治無明名曰淨德故所生二子能轉父
王之邪心耳蓋以此止觀之力乃法身菩薩得無分
別心與諸佛智用相應唯依法力自狀修行熏習真
如滅無明故故所師之佛名雲雷音宿王華智其國
名淨光莊嚴也以無依智淨自心體故二子涌身虛
空現諸神變轉父邪心也以六七因中轉故二子先
請出家而藏識中種子習氣蒙止觀熏習之力皆轉
染令淨故王後宮八萬四千眷屬皆堪任持妙法華
經也狀如來藏所以不出生死苦趣者皆由六識所

造業力牽纏故也今六識既轉則八識之生死因絕以本來無染故淨藏菩薩已於無量百千萬億劫通達離諸惡三昧也所謂無作無造無受者以本無性故以始覺有功本覺乃顯故其王得諸佛集三昧能知諸佛秘密之藏以六七既轉而五八一時俱轉則四大根塵無不轉者故與王及群臣并四萬二千人一時共詣佛所也由轉染令淨解脫纏縛故解頸瓔珞以散佛上也以妙契法身常樂我淨涅槃妙德故於虛空中化成四種寶臺臺中有大寶牀敷百千萬天衣其上有佛結跏趺坐也蓋虛空恒一真常德也

天衣適體真樂德也有佛趺坐真我德也放大光明真淨德也四德之象居狀可見至此止觀功圓同時出纏故王與夫人二子眷屬一齊出家此蓋借法力熏習真如乃緣因佛性耳故云二子以神通變化轉我邪心令得安住於佛法中得見如來此二子是我善知識爲欲發起宿世善根饒益我故來生我家此其善知識是大因緣所以化導令得見佛此皆顯示資緣因熏習之力也圓覺經云譬如銷金礦金非銷故有雖復本來金終以銷成就一成真金體不復重爲礦故云我從今日不復自隨心行不生邪見憍慢

瞋恚諸惡之心也一切塵勞應念清淨故爾時八萬
四千人遠塵離垢於諸法中得法眼淨狀非法力內
熏又何以臻此哉故此品爲法力加持之象也明矣
今行人既仗神力加持令外魔無撓資法力加持令
內障不生內外清淨身心解脫妙行功圓則所證真
如與法界等是皆借果德以爲因心之力也因心既
圓果德亦滿故說普賢勸發品以終其會焉

普賢勸發品乃現身面言說加持以顯入佛知見之
象也以稱法界心修普賢行初發心時卽仗此爲真
因故終得妙契常果狀普賢有二一謂道前普賢乃

等覺位謂行彌法界曰普隣極亞聖曰賢此因位也
二道後普賢謂稱眞法界曰普彌綸萬化曰賢此入
妙覺果海不住涅槃逆流而出雖居果位不捨因門
迺今之普賢也以初發心時卽悟此體依此起行行
起解絕故曰勸發狀此普賢以法界爲身遍在一切
衆生動亂妄想塵勞之中與一切人天神鬼諸魔眷
屬而爲勞侶故從東方而來與無量大衆各現神通
之力到此娑婆世界釋迦牟尼佛所也以法身眞際
乃離心識處故云在寶威德上王佛國此離言之道
今以法力熏習而由言說通達故曰逢聞此娑婆世

界說法華經與諸大衆而來聽受所謂雖復不依言語道亦復不著無言說故云唯願世尊當爲說之也
狀而普賢如此請問世尊更無一言加答者正顯離
言之道不容聲矣此正忘言絕證之象也故普賢卽
問於如來滅後云何能得是經向來一正諸大菩薩
但問讀誦受持而已狀未聞有言得之者今普賢卽
云得是經者足知由前解行於此證入所謂此品顯
入佛之知見明矣狀世尊所答得處不多亦不在多
劫修行唯在成就四法於如來滅後當得是經如此
而已四法者一諸佛護念二植衆德本三入正定聚

四發救一切衆生之心如是成就四法於如來滅後
必得是經且旣曰當得而又曰必得是真實決定不
易之辭也狀此四法者果何意哉而成就之速如此
耶起信論云分別發趣道相者謂一切諸佛所證之
道一切菩薩發心趣向義故略云發心有三種一者
信心成就發心二者解行發心三者證發心由前云
汝等若能信受是語一切皆當得成佛道又云汝舍
利弗尚於此經以信得入狀而此經諸佛知見甚深
秘藏非心所測唯許以信得入由是觀之此四法者
乃信心成就發心者也華嚴云知一切法卽心自性

成就慧身不由他悟卽得菩提此信心成就之謂也
論曰信成就發心者發何等心略說有三種一者直
心正念真如法故此所謂爲諸佛護念也二者深心
樂集一切諸善行故此所謂植衆德本也三者大悲
心欲拔一切衆生苦故此所謂發救一切衆生之心
也又云如是信心成就得發心者入正定聚畢竟不
退名住如來種中正因相應此所謂入正定聚也旣
許以信得入是則以文殊大智止觀之力照自心源
諦信唯心無外境界以此研窮是謂妙行以此妙行
契乎妙智智行妙圓所謂正因相應其必得是經也

宜矣是則前開解行不出信心信極道圓入乎妙覺
正所謂啟明東廟智滿不異於初心此妙符華嚴始
終無二故此普賢所勸發者唯此信心故言得經之
道而如來示之以此四法而已又云是菩薩功德成
滿於色究竟處示現一切世間最高大身謂以一念
相應慧無明頓盡名一切種智自朕而有不思議業
能現十方利益衆生故如來滅後有能持是經者我
當守護與大菩薩衆而自現身供養安慰其心其人
若有忘失一句一偈我當教之還令通利也論云如
菩薩地盡滿足方便一念相應覺心初起心無初相

以遠離微細念故得見心性故云得見我身又云菩薩從初發意乃至菩薩究竟地心所見者名爲報身此所謂以一切衆生所喜見身現其人前而爲說法斯正現身面言說加持也又云若有衆生能觀無念者則爲向佛智矣故云以見我故即得三昧及陀羅尼名爲旋陀羅尼百千萬億旋陀羅尼法音方便陀羅尼此究竟之實證也梵語陀羅尼此云總持謂總一切法持無量義乃一心真如之異稱也論云心真如者卽是一法界大總相法門體所謂心性不生不滅一切諸法唯依妄念而有差別若離心念則無一

切境界之相是故一切法從本已來離言說相離名字相離心緣相畢竟平等無有變異不可破壞唯是一心故名真如此所謂旋陀羅尼也又云一切言說假名無實但隨妄念不可得故此所謂百千萬億旋陀羅尼也又云言真如者亦無有相謂言說之極因言遣言此真如體無有可遣以一切法皆同真故以一切法皆同如故當知一切法不可說不可念故名真如此所謂法音方便陀羅尼也旋者楞嚴觀音耳根圓通云旋倒聞機返聞自性旋旋也水之急流最深而有洄旋謂之旋復以當急流而力能迴流旋復

淵源也謂念念生滅急流中而能念念隨順真如不
隨妄念流轉故如水之漩澗也論云若知一切法雖
說無有能說可說雖念亦無能念可念是名隨順若
離於念名爲得人狀無念者正念也故終誠以應當
一心受持讀誦正意念如說修行正意念者萬行之
本信心之至也故若有受持讀誦正意念解其義趣
如說修行當知是人行普賢行也以一乘實相佛之
知見備禪乎此法身慧命不外乎是故普賢願以神
通力守護是經於如來滅後闍浮提內廣令流布使
不斷絕而如來卽許之曰若有持受讀誦正意念修

習書寫是法華經者當知是人則見釋迦牟尼佛如
從佛口聞此經典以極種種讚歎迺至不久當得菩
提其効之速旣如此若有不信輕毀之者其所得惡
報之重又如彼是終許其以信得入也所謂信爲道
元功德母長養一切諸善法惟此甚深秘藏無上法
門唯許以信得入正謂發心畢竟二無別如是二心
先心難故此經以文殊爲唱導之首普賢爲勸發之
終此如來說法始終一貫之極致也

萬曆乙未春予以弘法懼難被逮園中達觀禪師
在匡廬聞報驚歎乃願誦妙法蓮華經百部以求

諸佛神力攝受之也頃予蒙 恩宥遣之雷陽是
歲冬道經白下達師遲予於江上相晤于旅泊菴
中夜談及此且曰願以我之心用公之舌可乎予
笑而唯唯及丙申春抵戍所正值饑劫居不遑處
且卽從事楞伽而又奔走行間未暇了此公案狀
在白毫光中不離無量義處三昧也戊戌夏日菩
提樹下弟子來從遊者十餘輩相與結夏於穹廬
同誦此經幾二百部子時爲舉揚此事以開示之
休夏自恣日弟子性澄請益其綱宗子因提絜吾
佛言外之旨以示之且將以報達師知子所轉妙

法華經如是而已老盧云心迷法華轉心悟轉法
華狀不涉唇脣一句正不在紙墨文字間也時會
聽者各各歡喜信受奉行梓之以廣法施普願見
聞隨喜者同得現一切色身三昧云萬曆戊戌除
日憨山道人德清書於楞伽室

憨山老人夢遊集卷二十七

侍者福善目錄 門人通炯編輯 嶺南弟子劉起相重較

楞嚴通議補邊

普楞嚴一經統收一代時教迷悟修證因果徑斷
生死根本發業潤生二種無明名結生相續頓破
八識三分故設三種妙觀攝歸普楞嚴大定是為
最上一乘圓頓法門直暴一真法界如來藏性俾
為妙圓真心據此大定列為三觀者曰如來藏有
三種義謂空如來藏不空如來藏空不空如來藏
由此藏性迷為阿賴耶識變起見相二分藏性在

識名自證分內本性不染名曰淨識爲證自證分
按論真如生滅二門此證自證分卽是真如其自
證分卽述中本覺見分卽持七轉識相分卽虛空
四大杜外爲世界山河大地及五塵境杜內爲根
身爲有執受五蘊之色受二蘊見卽七識意根及
六意識及持五識與同時分別意識今修楞嚴大
定端杜直破八識但此識體久迷由相見二分結
爲五蘊根身及外世界五塵爲分別俱生麤細我
恣二執已執五蘊根身爲我執貪外五塵爲我所
受用及計有所倫爲恣執由此二執纏綿生歿故

今顯出生歿先破二執爲最初方便也故阿難特
請妙奢摩他三摩禪那爲成佛之要佛特許以三
摩提名大佛頂首楞嚴王此乃歷別而請佛據一
心圓融大定而說也是知此經始終不出三觀究
竟不離一心耳其經文雖未明言指歸其於破羂
之文皎狀明白第流通者未之究耳三觀者經妙
奢摩他卽當空觀三摩卽假觀禪那卽中道觀也
皆云妙者意顯圓融三觀妙契一心舉一卽三言
三卽一離卽離非迴出息議之表也今議此經通
呂體相用標顯者意杜先悟遂修故首標觀體欲

令先悟藏性三諦理體依之建立觀相所謂先悟
毘盧法界也次示觀相者意謂無相真心今全迷
爲識結成五蘊根身器界有相之法要在卽相而
修故修道文中單指五蘊六根次及三科七大一
一皆是悟入之門也證果分中言觀用標者正羃
所修三觀有能斷能證之力用也故愚所謂始終
不出三觀者此也

問曰三觀言體相用分之者何也 會曰名雖三
觀爲約如來藏三諦之理須言三觀證之其實總
是一心故佛言普楞嚴大定許之意謂三觀不離

一心也按起信論云有法能起摩訶衍信根所言
法者謂眾生心是心總攝一切世間出世間法故
不名心而名法狀有法必有義言體相用三爲一
心之義所謂三大是也言此真心其體廣大故言
體大言此本來無相今現十法界依正因果事相
皆是齊相之法故相亦大以迷此心而成六凡悟
此心而成四聖皆一心轉變之妙用也故用亦大
謂令先悟此心之體佛謂開示此體以便造修故
首明觀體也既悟此體了知根身器界一切妄相
皆依一心建立今將所悟之體一一焰破妄相本

是妙明真心故修但依妄相而修故云觀相正當
修道之要也其五十五位皆依觀心建立要顯此
三觀有能斷惑證真之大用故爲三觀之用也以
論勘經明文昭著妙契佛心故予判列無疑以見
如來說法之本意且與行人易入也

問曰三觀體中攝經三卷半文且空觀一科卽該
三卷經文至若三科七大本如來藏偈顯空理其
初卽致心辨見發揮以至二種妄見種種微辨者
主何意耶 會曰此經統收五教卽此一空觀體
備該五教空理徹一代之談文簡義幽殊難領會

故予通議備列破顯提綱使知節要至于破妄顯
真經文止有卷半其義已收四十季前所說教義
非淺淺也卽吾佛出世說法四十九季談經三百
餘會單爲破衆生我法二執耳二執若破卽證涅
槃涅槃者卽如來藏宋滅一心也卽衆生迷此如
來藏心不生不滅與生滅和合成阿賴耶識此識
具肴四分謂一證自證分卽一心真如二自證分
卽迷中本覺當論中覺不覺義三見分卽前七轉
識四相分卽外器界經中地水火風虛空乃外五
大爲世界內之根身卽五蘊衆生卽衆生旣迷此

真心但認五蘊幻妄身爲己身心妄執爲我名分別我執外世界五塵爲我所受用名分別法執此分別二執皆六識所計以七識乃六識之根依內外門轉其實二識通計也又各俱生我法二執此單屬七識計八識見分爲自內名我執修行妄各證得爲法執此二微細名俱生二執若二種二執破盡乃可證入一心之原是名爲佛阿難旣迷真心正爲二障所纏必須破盡乃是直菩提路故此三觀乃破麤細二執之具也其經文徵心辨見乃通破麤細二種我執二種妄見及後破和合乃通

破麤細二種法執此楞嚴大定乃圓斷五住煩惱齊了二種生歟不比諸經各先遂也且統收五我頓證一心故不論先遂耳

問曰諸我別說先斷分別二執次斷俱生二執此言總斷者何耶 舍曰七識乃我法二執之根依內外門轉若依外門與六識作根則各分別二執若依內門則執八識見分爲我此乃俱生我執此執至七地中乃斷八地已上猶各俱生法執者以七識具染淨二分義故七地斷者乃染分末那向執八識見分爲我者今此染分一斷則捨藏識名

而此八識卽轉證真如名白淨識尚存淨分未那
執此真如謂我所證得是爲散細法執卽透經云
菩提心生生滅心滅猶屬生滅已執真如存所證
得能所未忘觀智未泯尚爲散細法執此執若斷
方入妙覺證一心原此義全合起信勘定甚明故
云頓斷頓證

問曰此經破執之文向所未明從來傳者但云敦
心辨見而已至亏二種見妄亦不知爲何而說也
今通議雖明列破顯之科正當破執之義先透次
第猶所未明請細言之 答曰所言精麤二執義

關真妄二塗總不出八識五蘊耳一代時教所破
者唯此而已已迷一心成阿賴耶識此識具存四
分其并三分卽五蘊身心世界其證自證分卽所
證真如今麤細二執唯破四分唯識攝歸一心爲
極耳故勘定經文按此而破先破五蘊屬分別我
執其破識蘊而俱生我執卽兼帶其中其二種見
妄乃破分別法執此凡夫二棄之所共執者故破
二妄之透卽暴本覺真心已此故知俱生我執已
帶破在并矣至次章云汝雖先悟本覺明心汝猶
未明如是覺元非和合生非不和合等此正破俱

生汰執卽此經透云菩提心生滅心滅猶屬生滅故此執一破則頓歸藏性矣故下文發明一一皆如來藏者意顯旣破所顯者乃但空耳下會三科七大之文乃暴妙旣實相真空義耳此實破妄之關鍵也細心深息乃見其妙

問曰破執經文科雖分截但通涂次第尚未了狀請詳言之 會曰分別二執卽一切衆生所執五蘊身心世界此屬八識相見二分是也其俱生我執乃八識自證分向被七識內執爲我我者經中見精卽自證體乃迷中本覺佛性故經中二妄旣

破卽暴此本覺真心此屬緣因佛性從斷所顯者未是離障真如也己淨分末那猶執此覺爲我所證得此正教細汰執所謂汰執不怠己見猶存等嚴八地菩薩迷于真如理中必待三橋七勸方能捨者己異熟未空暴最難斷也卽從八地進入等覺勘此經文二妄之遂佛言汝雖先悟本覺明心汝猶未明如是覺元非和合生及不和合意在破和合覺謂始覺合乎本覺名究竟覺猶屬和合對待故此和合一破卽顯如來藏性頓靈一心之原矣是知八地已上乃破俱生汰執耳論說佛旣淨

分末那義在此也其破分別二執之文從初請定
直至破見精遂通破五蘊身心而俱生我執亦在
所破二妄之文單破分別泐執其旨甚明

問曰初破五蘊而如來乃普約致心而科云乃破
色受二蘊意猶未明請直示之 會曰八識相見
二分相乃四大見乃轉識曰最初見分搏取四大
少分爲我根身論中所指乃受執處遂成五蘊之
衆生故經云一迷爲心決定惑爲色身之內者此
也曰色受二蘊正显執受所依之處名雖致心意
顯此根身本空非可依處欲修大定先須內脫身

心故先破色受二蘊色身既破則无所執受則妄
心無依故遂進破六識爲想蘊耳

問曰徵心之途阿難重請奢摩他路如來放光復
詰其心科爲破六識想蘊者何也 會曰初徵心
爲破色受二蘊正破小乘身見意顯欲修大定必
須內脫根身也曰凡夫但認妄想爲心外道依此
妄計小乘但斷六識上二界天人但滅六識故佛
最初卽云一切衆生皆由執此生矣妄想誤爲真
實雖云修行不成聖果故修大定必普破之曰此
妄想一向執此根身爲所依處舉此執心在此身

內被佛致詰故有七處屢轉之執今皆被破已顯
四大本空則色受二蘊已空矣唯此妄想乃生歟
之本故次破之意顯此想非空觀不破故阿難重
請開示奢摩他路也未破之先佛放光明者意以
此光爲定體也了此光明則妄想頓破不待言矣
良由衆生昧此光明但用妄想種種顛倒故先標
二種顛倒以爲所破之本意謂顛倒不生卽是如
來真三摩地故下所破者二顛倒耳仍詰其心者
正顛倒之心耳言顛倒心起顛倒見故舉拳雙驗
心目所拄阿難但執能推妄想爲心故佛咄斥其

非心結云皆由執此生歟妄想等此正破六識當
想蘊也下文隨破顛倒之見故阿難重請發明妙
心開我道眼意在破妄見耳

問曰破見之文不知歸著請詳示之 答曰見乃

八識見分爲前七轉識七識爲六識意根故七隨
內外門轉外轉拄六識爲分別見內轉執八識爲
我爲推度見但有麤細不同耳先破凡夫常見二
乘無常見外道斷見皆破分別見也屬第一顛倒
猶係六識故此後文乃屬七識行蘊破推度見屬
第二顛倒然分別見乃分別我執推度見卽俱生

我執直至破識精俱生我執方盡破耳彼二種見
妄乃破分別恣執二妄之後破和合章乃破俱生
恣執也呂證真如但能所未泯有所證得爲微細
恣執科名拂迹入玄者意杜泯觀心絕對待者狀
此二執一破則頓歸一心故下文三科七大一一
皆本如來藏也

問曰破見之文科連六七二識侶乎纏繞學者難
分卒指示之 答曰八識三分各識皆具呂見分
爲前七轉識故論云能現能見能取境界是呂六
七二識皆各見也前凡夫二乘外道之見在六識

者正能取境界者也謂分別見論爲疎所緣緣其
七識約八還呂辨者正指能見謂推度見的指對
相分而言者也其破見量乃約能現益能現相分
而起見者故猶屬七識此量一破方泯二分而歸
見精耳佛意甚深微細非散密觀焰不了此呂在
破妄門頭故應委曲搜揚耳殊非纏繞之說也

問曰破見文中先約八還呂辨科云揀緣後顯見
精亦科云揀緣經義不同而科同者何耶 答曰
其科揀緣雖同而義亦攸別前揀緣者乃見分雜
于緣塵之中一向能所不分故揀七緣乃所緣塵

境其分別緣故特分能所各有所還而見性不無
意指諸可還者皆非是見其不還者乃見性耳此
但且分能所尚未的指見性爲見精也其次顯見
精而揀緣者乃單揀相分乃八識所現之緣影不
言見分意謂種種物像皆八識體中所現如鏡中
景景鏡不分故揀去親相分之緣而見分自泯識
體猶存故爲見之精者卽識精圓明者也此在通
泯相見二分獨指識體爲見精耳此意幽淡非麤
心可領須細觀之

問曰其見量侶屬八識現量故此一破卽云身心

圓明不動道場于一毛端則能含受十方國土已
至極則何以又有後文約八識破我等耶 畬曰
見量雖似八識現量已能現見相二分者識論說
爲親所緣緣若見相未泯對待未忘故應在七識
耳其顯真之文身心圓明正約破染污无知則不
執取身心故云圓明一毛含受十方國土正顯離
量故無障礙此乃分見真理其實未是極則也議
疏甚明宜細詳之

問曰佛指見精爲第二月且云雖非妙淨明心如
第二月何已見精方顯八識未破而經卽云若能

轉物卽同如牙手一毛端卽能含受十方國土斯則顯理已徹何旨八識未破而能如此耶 畬曰此非淺智可知也只如初地菩薩纔破分別二執而藏識全在卽能見百佛世界此後地地增進所見漸漸廣大豈非一毛含受十方國土耶且此識體本是真如但爲見相二分障礙今二分旣泯識精圓明十方國土皎狀清淨毛含十方更復何疑問曰若能轉物之轉與轉識成智之轉爲同爲異 畬曰轉雖同而所旨轉則大不同也轉識成智之轉乃八識各有所轉次第七後單約識說此經

轉物之轉不說轉識但約轉物以物轉則見分亦泯見分一泯前七識一齊頓轉元無先後次第也 旨見乃八識了別之行相前七轉識依此見而立故見泯而七識齊轉也所以狀者相宗以識爲本此經會相歸性持顯唯心境界以一心真源爲本 旨迷一心真如而爲阿賴耶識故有見相二分由相分旣立則見分取相分而爲衆生所謂自心取自心非幻成幻泐今見分旣泯則離執取故泐泐本真一一本如來藏不待轉而自轉矣所謂不用求真唯須息見見分一泯則相分自轉爲一心真

如故卽同如來也所謂不取无非幻非幻尚不生
幻泐云何立此意幽潛微密觀焰乃能知之

問曰已知破見之意矣其破八識之文初云破我
則令卽物以推之又令文殊約是非呂揀之其破
自證則約自狀因緣呂破之其破識精又約明暗
色空呂揀之且皆科云呂顯一真豈非重複耶

畬曰非重複也呂如來說教特爲破衆生之妄執
前云種種顛倒則衆生之妄計非一端也其教不
比禪宗一悟便了教中必欲委曲搜揚其妄中自
有種種妄計故須一一說破耳其破我者呂此八

識二乘執爲涅槃我其未悟時又計蘊卽離我外
道計爲神我衆生通計爲生歎我故今欲破此識
故先破其我見也此正俱生我執耳狀卽物呂令
推其是非者呂此識體全變爲根身器界之妄相
本无二泐故今卽物呂推其是非要顯本爲一真
故令文殊發揚呂絕是非之見以悟一真之理耳
其破自証乃呂因緣自狀破之者呂外道不知此
識乃妄計諸泐自狀而生謂之自生無因生又計
諸泐因緣和合而生謂之共生他生皆不知八識
之自體本是妙覺明心也故約自狀因緣呂破之

此計一破則精覺自顯其破見精正是前所立二
顛倒中識精元明能生諸緣緣所遺者故追破諸
妄至此乃破又約明暗色空者正顯此識精能生
諸緣緣所遺者故揀緣已破要離緣以顯真心斯
實破識之極則也且節節皆科云顯真者皆就破
彼妄計則顯其真乃分顯耳非全體也佛言阿陀
那識甚微細故非麤心可易會也宜深觀之

問曰破見精文中又約前塵明暗色空已破且曰
說我能見及科顯始覺文中又復揀緣是則此與
前破見分揀緣何別 答曰此文信同而義迥別

深所難明請細陳之前破見分對揀緣者乃見分
執取所緣之境一向混而不分故今將破見分必
先揀去妄緣妄緣既離則見無所執此見不泯而
自泯矣已相與爲有相與爲無也二分既泯則見
精獨存故的破之曰見見之時見非是見見猶離
見見不能及而科云的示始覺者以此見精乃是
根本無明言真見見此見精之時真見不是見精
意謂真智焰此無明之時無明不是真智且此無
明乃真智所變切近於真而智尚離之故云見猶
離見豈彼執取之妄見而可及乎故云見不能及

此智起惑亾故科云的示始覺狀破見精而猶揀
緣者乃揀見精離緣也前云識精元明能生諸緣
故今離緣方顯見精此緣乃八識親相分爲親所
緣緣前見分所揀之緣乃疎所緣緣前乃變帶此
乃挾帶了此相宗則此中理趣了狀矣

問曰見精旣破始覺之智已顯五蘊八識俱破諸
妄已離而阿難何呂又于因緣自狀和合之計心
猶未開而于見見重增迷悶以此重請向下世尊
徑說二種見妄不依所問而答而科云呂破法執
此義深潛實所難會請詳示之 答曰此中密意

從來所未曉也呂我說五蘊各假名各實法奔來
一迷所破五蘊身心但說破執蘊之執情其所破
者乃假名耳而此五蘊實法尚存故仍懷因緣自
狀和合之疑心猶未開至亏見見非見重增迷悶
者呂見精乃八識自體爲根本無明故云陀那散
細識習氣成瀑流真非真恐迷我常不開演此世
尊一向不輕談者故二癡一向迷亏此也今云見
見非見謂真見見此見精乃真智焰此無明也此
豈二乘可知也且如明來暗忞智起惑亾真妄不
容兩立經云此無明者非實各體豈各實實無明

夢遊卷二十一
五
已當其智哉阿難意謂實有箇見精與真見可見
今覓見精而不可得故迷悶耳況此極則殊非二
乘境界安得不懷疑漠漠乎向下世尊畬辭不循
所疑直說二種見妄者已知阿難未了根本無明
故五蘊實泐未消五蘊既存則世界山河大地礙
眼此正泐執未已見猶存耳若單就無明則只
用世尊說此無明者非實有體一語可了今意在
破身心世界之泐執故設燈上毛輪已喻五蘊是
假由眼中香膏所見今不必責毛輪是有是無
但只知是眼膏則無見病意喻但觀五蘊身心是

假乃因無明妄見而香若了無明本空則身心自
泐所已喻中但言知是膏者則無見咎卽此一語
的破見見之疑矣若了身心本空則可例觀世界
亦侶身心同是妄業之感耳又何有因緣自朕見
見之疑哉此所以香進迺合明之說也所以二妄
一破則本覺真心頓顯故經結云若能遠離諸和
合緣及不和合則復滅除諸生歿因清淨本心本
覺常住科云本覺離緣真如出纏豈漫朕哉佛意
甚明第觀者智暗不易了耳

問曰遂章經文從來說者都云重破和合而此科

云拂迹入玄況經中猶舉見精言之此則大昏徑
庭請示其要 畬曰議中甚明此正始覺昏功本
覺乃顯論云始覺合号本覺各究竟覺今將羸一
心真原絕諸對待直須觀智俱泯能所兩忘故至
此乃破和合之覺此正微細俱生恣執名生相無
明論云此無明者唯佛能了非他境界故佛無問
而自說也但觀經云汝雖先悟本覺妙明則許苒
已悟矣次云汝猶未明如是覺元非和合等義極
顯了下云猶呂世間妄想而自疑惑靈菩提心此
乃的破名言習氣故云呂世間妄想而疑菩提所

謂以生滅心而辨圓覺而圓覺性亦同流轉故須
泯此知見乃入一心真原呂真心真智難以搭口
特借見精呂例破耳既破和合而阿難又作不和
合見故復疑曰如我思惟此妙覺元與諸緣塵及
心念慮非和合耶觀此直須心境兩忘言息路絕
乃入一心之妙耳

問曰苒會五蘊中曾舉色蘊依妄見而昏故說目
因勞而妄見空等今說六入復拈苒兼目與勞共
爲眼入意旨何如 畬曰此最極微細非苒喻可
比也以此中乃說最初六根之元因見分取相吸



習中歸和合結成五淨色根爲浮塵所依本來无
入今始有也兼目卽今眼根爲相分勞卽見分已
此二分本無所有同是菩提瞪發勞相意顯識體
依覺故迷故云菩提發勞二分依識而暴爲識之
行相不離自靈元无二體故云同是故約已成六
根自體爲喻益言本無六根因最初見相和合而
成淨色故雙舉之曰明六根初結之始故難領會
耳

問曰處者何義 會曰處者唯識說有體實相分
色爲見分所慮託處不拘親疎爲所緣緣曰皆有
對待俱有所依今言一皆无體唯一真如故本如
來藏矣

問曰起信三細謂業轉現如是次第今經三細曰
見爲轉相列於第三是則先現遂轉豈失論意耶
會曰不失論意各有所主也論意單說心泐生
起謂真淨界中始因一念妄動卽轉圓明真心而
爲無明由此無明乃現分別相續等相若能離念
卽靈一心今經重在衆生生起之元故因最初一
念妄動卽轉無相真心頓成有相之妄相故虚空
四大自此而形是爲有所有相因有所有相卽轉本

昏智先而成妄見爲取相之妄知由是見相同一
元明覺體今溷雜而不分遂成昏情所謂色心和
合而爲五蘊之衆生其意重在妄見執取而爲生
死病根所謂數取趣也故云自心取自心非幻成
幻泐不取無非幻故祖師云不用求真唯須息見
論獨轉心故真修端在離念此經轉境故云若能
轉物卽同如來故真修端在不取卽斷生死根本
故破妄直專揀緣經重所取故先相論重能取故
先見故爲門不同而修斷亦別也宜深觀之

憨山老人夢遊集卷二十七

終

憨山老人夢遊集卷二十八

侍者福善具錄

門人通炯編

嶺南弟子勤起相重較

楞伽補遺

楞伽阿跋多羅密經者楞伽寶名具云釋迦毘楞
伽此云能勝義云堅固阿跋多羅此云無上謂此
楞伽乃无上寶也聿之梵師云此寶八楞視之渾
圓其體光明瑩徹最極堅固不可鑽穿世間之寶
無過勝者已能勝一切故云无上寶也鹵咸南海
昏楞伽密山居大海濱呂山純此寶所成故山以
寶名山高五百由旬山頂昏城亦名楞伽密城無

夢遊集卷二十八

門可入爲痃又王所據山形下細上大因名不可
迂者神通者乃能入此經發起因佛亏大海龍宮
說汰七日回過山下顧謂衆曰過矣諸佛皆亏此
山說自塞境界我亦當說時痃又王曰神力故知
佛言念故迂請佛入城演說此經是則山曰寶名
經曰處名通取爲喻乃單喻爲顯也狀單約喻明
經者第一義如來藏心亦名審明妙性又云寶覺
明心是爲堅固汰身不動智體名自覺聖智宋滅
一心名大宋滅海亦云智海覺海寶明空海下經
云藏識海謂衆生本具如來藏清淨汰身逃之而

爲藏識變成五蘊之衆生自覺聖智變爲妄想煩惱
審明空海成生歿之業海夜叉乃惡鬼飛行而
食人肉者故山高五百由旬居大海中而爲煩惱
生歿夜叉所據也佛在此山說自塞境界者謂曰
自覺聖智而觀藏識卽如來藏生歿卽涅槃煩惱
卽菩提現毒五蘊身心卽是如來常住汰身頓塞
一心更无別汰此乃最上乘非心識思量境界唯
許上上根人一悟頓悟不悟則不許意識湊泊故
山名不可迂者神通者乃能入故審乃无上之寶
處乃不可迂之處通喻此經顯示第一義心乃離

心意識境界爲无上泐門也此經發明五泐三
自性皆空八識二無我俱遣直顯離心意識境
界故逢磨指此爲心印是則全經旨趣在此一顯
已喻發明及疲又王發起因緣已盡甚深妙義矣
約天台五種釋顯此經已單喻爲名宗滅一心如
來藏性爲體自覺聖智爲宗專破二乘外道邪執
故已推邪緣正爲用已無上頓教大乘爲教相以
此經顯示五性三乘无性闡提皆許成佛爲泐粵
開緣之毒茅故判爲泐粵先導也

佛語心品者此經直指宗滅一心爲宗以自覺聖

智證入爲趣以此心不屬迷悟了絕聖凡十泐界
依正因果一泐不立所謂五泐三自性皆空八識
二無我俱遣以此四門皆迷悟邊事所以大慧讚
佛偈云若有若無有是二悉皆離以有是生无泐
無是涅槃泐此二皆離則泐界性空宗滅一心顯
矣故云佛語心品謂佛所說者唯此一心泐耳故
禪宗指此爲心印謂之佛祖向上一路名頓教大
乘

大慧讚佛五偈半極盡一心之旨故後顯一心文
云空無生無二離自性相故初偈云世間離生滅

猶如虛空華此讚佛能證一心空義已明了徧計本無也言世間卽該三世間謂智正覺世間有情世間器世間通該十法界依正因果已此三種世間皆生滅法也已唯心所現本无生滅但依徧計而存以性空故故如空拳卽此一偈已超迷悟因果直示一心之源矣唯佛已自覺聖智證寤此心故云智不得存無之相今啓物迷此故已同體大悲出現世間而開示衆生故云而興大悲心故今所說正示此一心耳

次偈云一切法如幻遠離亏心識此示一心本无

生義也併遂一偈以明了依他无性從緣而存意謂世間現存生滅何以言空故云以一切法本自無生但依他存故如幻耳幻喻生本無生若已安心分別則見存生滅若遠離心識分別不生則當體無生了無一法當情豈非空耶

三偈文例應云世間恆如夢遠離于斷常此顯无二也意謂世出世間一切諸法唯心所現外道二乘不了唯心依他而起故妄分存无起斷常存無二見若了唯心則遠離斷常了無二見矣
四偈顯離自性意謂衆生不了唯心則妄執人法

二我爲二障根本則起惑造業妄見生歿之相既
了唯心則人泐雙念二障頓淨唯一圓成則生歿
之相不可得矣此上四偈讚佛超世間生歿有泐
也狀空無生無二離自性相故乃當經一心之旨
後文自顯呂三性釋者乃清涼意故引義呂證之
五偈讚佛超涅槃泐意謂一切諸泐旣唯一心則
本來未滅不假更滅故云一切無涅槃狀諸泐旣
呂本自涅槃則泐泐皆真盡是泐身真體如此又
何別有涅槃爲佛所證耶故云亦無涅槃佛斯則
泐身常住又豈有佛更入涅槃耶何耶以遠離覺

所覺故謂唯此絕待一心本无能所對待故也唯
佛靈此所呂若昏若無有是二悉皆離也故二譯
載夜叉王首卽問佛云何捨泐云何捨非泐佛會
以外道見生歿爲泐涅槃爲非泐是二應捨故大
慧讚云昏无俱離是則全經之旨不出夜叉發起
一問并大慧偈讚而已故向下所破者乃昏無二
見耳

悉檀離言說梵語悉檀此云徧施謂佛以四泐徧
施衆生四者一世界悉檀令衆生得歡喜蓋二爲
人悉檀令得生善蓋三對治悉檀令得破惡蓋四

第一義悉檀令得入理。蓋謂佛雖以四法徧施衆生，狀但應衆生之機。本來離言說相，意責大慧不達離言之旨。故有此問。我今特爲顯示，建立數句離言之旨，故向下一一皆曰非。

大慧聞一心真如離一切相，了无說示，是知十法界相皆唯心所現。唯識所變，乃生滅門事故。卽問諸識有幾種生住滅也。七種自性，魏譯云外道。有七種自性講者，繫以正教道理釋之，昧之甚矣。殊不知此經專破外道，不知唯心唯識道理，故別立異泐。以爲生因已迷，真妄不一，不異唯識真因，故

立異因。佛耆文責外道墮斷見論，故特出所計生泐異因。有五言勝妙，士大自在，時敎塵等，乃外道所計之泐。爲生因者，故隨遂卽出所立。妄計各有確定自性爲宗，有七耳。旣出邪宗，故遂示正教云：我有七種第一義也。經文上下血脈，佛語昭狀而昧者，妄擬謬之甚矣。若七種自性已立正義，又何下文重出七種第一義，豈不贅耶。

七種第一義心境界者，謂佛曰泐界一心爲自境也。慧境界者，慧炁无量，焰徹敎塵刹土也。智境界者，謂曰權實二智，窮盡真妄聖凡也。見境界，唐本

云二見境界謂雙焰真俗二邊也超二見謂窮盡
一心中道也超十地境界者謂等覺遂心極盡因
門也如來自到境界靈窮法界自覺聖智究竟果
海也意謂我所建立乃稱一心真如平等佛慧以
二智見二空靈真如以至等覺入佛果海曰爲法
門益依性自性第一義心而建立故不与外道惡
見共也此七第一義心乃單示佛境界不說因心
若說因心則失旨矣

問曰說三種識卽結果者何耶 畝曰前三種識
中最初緣識生之由以無明熏真如爲現識生起

因取種種塵等爲分別叟識生起因佛意顯此藏
識依真而起乃真妄和合故特指阿賴耶識爲生
歟涅槃因立此真因將破外道无因邪因故卽辨
明邪正曰示唯心如幻觀門顯直觀藏識頓破根
本無明頓證一心爲究竟極果故隨便成立唯心
一番因果曰結三種識相也

問曰生滅章中大慧初問諸識有幾種生住滅佛
答曰略說有三種識廣說有八種相今前略有二
種識已竟而大慧復問廣說八種相中先叙世尊
所說心意識五法自性相且云一切諸佛菩薩

所行自心見等所緣境界不和合顯示一說成真
實相一切佛語心狀後方請說藏識海浪湊身境
界者何耶 答曰此通涂問意血脈幽潛最難理
會請試言之此經單示宋滅一心離一切相故云
五汰三自性皆空八識二无我俱遣故大慧初問
百八句益約五汰三自性八識二無我呂問故佛
指宋滅一心呂答故云一切皆非是則直指一心
一汰不立則不容有說矣此顯一心真如離一切
相也故大慧隨問諸識有幾種生住滅是約心生
滅門容有言說矣狀生滅門中先問諸識者以五

汰三自性二无我三門皆依八識轉變而立也故
先問諸識一門未及問五汰三自性二無我後三
門義佛答謂諸藏識略說有三種識廣說有八種
相今前答略說三識單顯第八識自體已竟故大
慧重請有八種相故問藏識海浪乃問前七識生
起之由也狀請辭先叙所說心意意識五汰等乃
至成真實佛語心者乃通牒前問答申領佛意呂
啓前七識生起之問也狀五汰等乃依八識之所
建立也世尊答云一切皆非此已領佛示真實佛
語心矣及問生滅門世尊略說三種識世尊說不

思議熏變乃八識生起之由且云真識現識乃顯識藏卽如來藏已領其旨矣意謂五法等皆依八識建立但不知前七轉識因何而生又不知如何生卽無生故問藏識海浪卽法身境界又不知五法三自性二無我因何而立故因請八識之相含問四門之義也故世尊向下先答八識生起之由後又重申問五法自性佛一一畲畢末後結歸二無我觀卽成唯心觀門爲真實佛語心也故答意從此直至後文結果章中卽通明五法自性顯正智如如方盡從生滅門入真如門究竟之義也大

科甚明當通觀之

問曰大慧問藏識海浪乃問耇七識也而云法身境界者何耶 畲曰大慧述領一心之旨意謂佛上來說心意意識五法自性皆空乃是一切諸佛菩薩自心現量所緣境界一法不立絕諸對待故云不和合如此說是已顯真實佛語心此已領耇識藏如來藏真妄不一不異之旨矣但不知耇七識生起之由所卽生本無生之義故請說藏識海浪卽是法身境界也故下畲文中示四因緣故眼識生卽緣生性空卽顯生卽無生之意卽法身境

界也合業生相者狀業卽業識生謂生相無明起
信云以依阿賴耶識說有無明初無明冥真如成
業識旣成業識則生相無明卽依業識故云合業
生相以生相無明卽業識遂起染心則淡生計
者爲我此卽七識生起之相也

八識偈中佛顯八識卽真本來一體雖異而不異
卽示海浪泐身境界故卽海水波浪喻浪異而水
不異也大慧遂卽日月喻佛說泐應當與一切衆
生說平等真實之泐何以世尊一向與二乘人只
說六識爲生歟本何故不說八識卽真之真實泐

耶佛會卽彼衆生心不真實不堪受真實泐耳非
不說也譬如海波下十句喻羸其泐元有頓漸之
不同故說亦因之建立狀說雖有頓漸其實无有
一定之次第意謂我說六識漸時未嘗不兼帶八
識而說但衆生昏者不解耳又設画師喻卽明說
泐應當隨機先遂次第建立也彩色無文二句喻
泐本離言但爲悅衆生不得不隨旣施設非我不
說實也下文更顯淡義謂不但說權泐爲不實卽
說真實泐亦無實泐与人卽真實離名字種種皆
如幻故末遂云聲昏亦非分者足徵大慧意疑佛

不與二乘說八識真實之泐也。哀愍者指佛謂今日乃說自覺之境界也。

長行結示欲知自心現量自覺境界須要真實修行自悟乃可相應。非是說了便休。故下文示聖智三相爲修行之要。成立唯心第二番因果也。

問曰佛一迷已爲大慧。開示八識因緣已。羶離心意識境界矣。而大慧至此問聖智分別自性。經且云爲百八句所依者何也。會曰此經直指一心爲正。羶五泐三自性皆空。八識二無我俱遣。以爲宗體。曰大慧初曰百八義。請問者乃通依五泐自

性。八識無我而問。皆屬迷悟邊事。故佛會曰一切皆非。此直示一心真如一泐不立。是則五泐自性。八識無我。蕩絕無遺矣。故大慧隨問諸識生滅。言雖問諸識生滅。意實不知空遣。故佛爲示生滅因緣。隨示曰直觀藏識。我離心意境界。是則八識之相已遣矣。尚不知五泐自性無我。因何建立。如何空遣。故特問聖智。分別自性。經意謂空此諸泐。乃自覺聖智。非三乘比智可能耳。言百八句分別所依者。正顯所問百八義。皆依五泐自性而問也。狀舉果惠轉得如來泐身者。乃躡上佛示離

心意識所轉果惠意在離此五法乃得如上之果
是舉真果已寔真因也此問意乃經中之血脈學
者縱能通達文字而不知血脈亦无歸宿此旨甚
放故特示之佛會中即舉外道者無二見者正顯
外道不了唯心故於名相上橫計而生妄想乃正
破名相妄想也

離異不異者謂妄想與名相元別故異今妄想乃
依名相而起故不異已者心境對待故也今言離
異不異者正教已遠離心境絕諸對待心境皆空
則五法自性皆空矣此正空名相妄想之要旨也

緣正智章中已三佛說泐頓漸以明正智者益因
弄八識頌中大慧責佛既云唯心頓現一切諸泐
則佛當爲衆生直說真實頓泐可也何以又說三
乘漸泐耶佛會謂因衆生心不真實難與說實恐
其不信則說之無益以隨機不同不得不施漸泐
耳故此顯說頓漸之所以已四漸喻機以四頓喻
佛在佛以平等大慧教化衆生雖漸亦頓在機者
利鈍不一雖頓亦漸故已泐寔佛則者三身故泐
亦者三乘此化儀之必狀者以衆生根本實智迷
之而爲自心現流故淨現流以成正智狀迷雖頓

而淨則漸也

頓喻四中明鏡喻頓示衆生一真法界清淨圓明
心體日月喻頓破衆生無明業識顯示本有不忘
議業用藏識喻頓令自心衆生一時成熟究竟佛
果自心所現根身器界喻自心之衆生法依佛喻
頓旨普光明智焰一切衆生心地頓令五性三乘
破滅無明頓見本有平等法身三身佛說法乃以
法靈佛也法依佛者乃依法身所垂之報身佛也
說緣生者以顯緣生無性無性緣生乃頓漸頓
之汰也卽等嚴經所說四十二位行希圓融之旨

法身佛說離心自性法乃直示頓法也化身佛所
說乃六度權行單漸法也結歸法身佛者乃示此
經爲頓頓宗也透聲聳外道破邪因以顯正因此
又漸中之漸意謂昏機如此不得不施漸之漸也
狀在經文其義甚懇諦觀佛意經旨理實昭著

破二種邪因科在二乘云卽二乘邪因以示正因
者曰聲聳乃靈聖智差別相但示究竟故卽彼所
寔以示究竟真因故云卽在外道云曰聖智破邪
因者曰外道所計常不思議乃別立異因以无常
爲常故佛曰真常聖智破妄計故云曰

舉果驗因者謂舉今現靈之果以驗昔日之因也
已聲聳所靈涅槃以非真滅爲滅足驗管因未得
聖智究竟相也謂外道今取斷滅爲果者蓋昔以
生法爲不生特以无常爲常故今墮斷滅之見耳
五無間種性一章重明爲機稟佛性是一因番三
乘之法名言熏習故種性有五苒頓漸章明法一
機異故有三明乘即一乘法分別說三者也今五無
間性乃因番苒三乘法不得離言之義執文言熏
習成種此又顯機之所稟佛性是一故云無間因
稟各別故有五種性耳

如來無間種性有四種一權教事六度二乘乘空
慧三實教四卽圓教四位菩薩釋者諦觀經大明
標如來種性意指如來果法非說因位中叟若以
菩薩釋之失本指矣蓋苒直指一心真如若悟唯
心卽頓登佛地卽圓教之三賢此亦不立況權教
空慧乎若苒苒三位菩薩法釋之則番稟但成苒
三菩薩種性非如來種性矣

結二無我末觀成得果一節此結酬苒請也因大
慧初番分別自性觀察无我淨除妄想焰明諸地
乃至逮得如來法身故此開示五法自性二無我

已畢乃顯真因故卽靈成必得如來之果勸今應當修學乃總結四門番顯正智如如以空遣五泐自性靈二無我通示三番因果也

結示五泐自性二无我果相已竟而大慧陲問建立誹謗二惡見者何也 答因初問五泐生起之由世尊卽說外道者無二見爲名相妄想之因故今開示已明今卽問彼二種惡見從何而起也佛畲二種惡見從非者而建立也蓋非者乃無也建立爲者也意謂外衛不達諸泐本無則言者爲實者及至壞滅則言無爲絕無故言爲建立無乃誹

謗此二見所由生也此問來意幽潛若不知來端則經旨血脈不貫也

問曰示二見已遂乃重都結前果者何也 畲曰佛意總顯唯心无外境界其五泐自性二無我等從迷中來皆因外衛者無二見爲生歟本是爲大過故今通遣已畢乃結真因得果成佛之遂當單爲衆生說唯心泐已破外衛者無二見爲化儀此所已爲頓教泐門此經頓宗但破外衛二乘偏邪之見不說別斷煩惱言識藏卽如來藏故但了妄想無性則生歟涅槃平等更無煩惱可斷故但離

二見卽頓鑿汰身故都結成四香因果也

下第二卷

問曰羸理中示宗滅一心已歸究竟狀呂如來藏并上一心總爲顯理且大慧又呂外衛我見爲問侶与一心之旨不同何以總爲一科 禽曰此畜淡旨呂經初夜又王問佛云何應捨畜無佛旣禽已隨卽示云宗滅者名爲一心一心者名如來藏此則總標一經宗本要顯宗滅一心不屬迷悟究竟不生狀所呂畜聖凡生起者皆如來藏隨染淨緣轉變爲生因耳狀前百八義一切皆非呂羸一

心宗滅无生之旨矣次大慧隨問諸識畜幾種生住滅雖問識之生滅狀尚未審識生之因且于一心究竟處建立誹謗章中云非畜因建立因直說初識前无因如此一心豈不墮于畢竟斷滅耶故此大慧隨問如來藏者呂前雖明一心之旨尚未明如來藏之義方今將顯如來藏隨緣爲染淨生汰之因要明識藏卽如來藏故後文如來藏爲善不善因呂如來藏卽前三種識中之真識也呂此經不說無明爲因生八識直指如來藏卽藏識要顯妄卽是真實斯經之宗本也不同諸教狀大慧

疑世尊說如來藏同外道我者正是佛說阿陀那
識甚微細習氣種子成瀑流我于凡愚不開演恐
彼分別執爲我呂外衛向執藏識爲神我故今將
呂如來藏真我呂破彼計是則外衛計吾無二見
則前呂宋滅一心破之矣向執我見未亾故特呂
如來藏真我破之呂盡破彼計圓滿一心故總科
爲顯理究竟義旨深潛誠非麤浮可見也細尋佛
意微妙難知

總示正行章破本無四句可離頌中如是觀三吾
究竟得解脫未遂結云爲淨煩惱爾燄二種障故
譬如商主次第建立百八句无所吾足證前百八
句乃依三界作四句妄計而立朕無所吾則皆非
也

問曰當轉二性教中一向說轉生處爲涅槃轉煩
惱成菩提此中但說轉二自性者何耶 奮曰此
經不同三乘別教直指一心不屬迷悟呂生處涅
槃本來平等更無可轉但以外道不了言說性空
妄計言說吾實自性起種種徧計二乘不了諸恣
緣生無性妄執諸恣吾實自性以此二種障正知
見意謂若了言說性空則徧計情亾若了緣生无

性則依他泯性二計既亾則圓成自顯所已但轉
二自性計著也後廣辯四行禪蓋依此而立也
略示邪因果相章未示感應二徵結示果相至究
竟地得灌頂位二加持者此正示已真因所得之
果如此方爲真修也

問曰四種禪皆依惑亂爲所觀者何耶 會曰已
前云惑亂起聖種性及愚夫種性故愚夫乃外道
二乘其禪皆惑亂也觀察禪二種已能觀正智觀
所觀惑亂已對待未泯故爲漸次其攀緣如禪狀
攀緣卽惑亂也乃名相妄想耳觀名相妄想本如

故名攀緣如禪此二種禪已分頓漸名三乘禪故
觀察禪果相則從解行入初地漸次上進其攀緣
如禪則頓登八地此頓漸之分也狀觀察義禪能
觀者正智所觀者妄想名相故真妄雙舉此乃對
待而觀故要離四句已外道妄執四大名相以妄
想分別作四句見耳其攀緣如禪則直觀五陰本
自如如絕諸對待故爲頓悟于中主意專破外道
計四大造五陰已神我爲主諦若觀四大本空五
陰无我卽此五陰本自如如矣
問曰示正果中說妄想識滅名爲涅槃不說轉藏

識單說滅六識者何也 龔曰此經宗旨說識藏
卽如來藏不必更轉其藏性宗滅之體所已不得
顯現者但因妄想攀名相之過也 已藏體本是湛
淵之心猶如湛海雖云前七波浪其實只因六識
攀緣外境界風鼓動波浪卽七識亦因六識所起
之波浪其體同是八識精明故本不生是故三性
之中依他元自无性其過在徧計執性耳 伏妄想
乃徧計執性正是六識攀緣種種如幻依他境界
增長習氣長養藏識故今特辨妄想過重故六識
滅則內外心境一切皆空滅如來藏性應念現前

所以特說六識滅爲涅槃也此經宗趣與相宗迴
不相同故不立七識所已世尊隨節說妄想分別
通相以顯卽妄卽真爲如來最上一乘禪也

經旨來意從二卷初示正行科中四方便爲能觀
之智二種自性指所破之惑無四句可離無聖智
可得乃所顯圓成之理及離過絕非一科四節立
定自後略示邪正因果及廣辨邪正因果總是廣
釋卷初四節之義其觀察義禪觀察覺卽前能觀
之智妄想攝受計著覺卽釋苒所破之惑攀緣如
禪卽顯前圓成之理末後如來最上一乘禪卽釋

海離過絕非細觀經旨前後名應其理昭狀

下第三卷

初三種意生身五無間種性乃示因圓宗說二通乃示果滿呂果海離言故

問曰斷證科初明妄想不實破我執言說性空破
泐執者何也 答曰呂外衛妄想專呂執我見爲
本而二乘雖離五蘊假我猶執涅槃爲我故亦云
心惑亂故云煩惱障狀依言說爲泐執者呂內教
學佛泐者不能離言得義但執言說爲實泐故今
教以離言觀心爲破泐執斷所知障也狀我執外

衢居多泐執學佛泐者居多若起信所說我見亦
依所眷佛泐而起此經專破外道神我故經論意
異耳

問曰其破泐執經文指語義而說其旨甚明若約
妄想爲破我執意旨未顯呂大慧但問妄想

畬曰一往所說妄想多指外道而二乘但兼帶而
已狀外道妄想所計者一我見耳狀大慧雖通問
妄想生處惟世尊約指攝所攝墮有無外道見計
著我我所生此所呂妄想爲外道我執之本也其
凡夫二乘計五蘊爲我者經文長行未顯至頌中

云施設世諦我諸陰施設其旨的狀明矣更復何疑

問曰大乘教中皆說二執有分別俱生麤細不同且云分別二執從三賢至初地斷盡俱生二執從二地至七地斷我執盡汰執至佛地乃盡今經說麤細二執一時斷盡未明其旨請問其詳 舍曰此經頓教大乘意在頓破無明頓證一心故二障亦頓斷耳大經云不了第一義故號爲無明第一義者卽此經所說第一義諦宗滅一心也狀不了二字卽無明也了乃知也經中頻言知自心現量

者謂了第一義心也且麤細二障因無明而存今言頓了自心現量則頓破無明無明既破則彼二障又何從而存耶 旨真知自體有智慧光明義故說名爲智此卽自覺聖智也若 旨卽心正智獨焰一心宗滅之體則一切皆離今因不了則妄起分別執著故名妄想是 旨此經不說斷無明單說斷妄想想淨處卽頓靈一心故無漸次先遂耳所謂知幻卽離不作方便離幻卽覺亦无漸次故爲頓教大乘

問曰轉變章言轉變者乃一切衆生生處迭來捨

身受身之情狀也而獨指外衢者何耶 禽曰佛
說衆生生歿迤來受報好醜乃隨善惡業緣故說
如乳酪酒果等熟但是異熟隨緣耳因外衢妄計
有作者爲轉變主宰此邪見妄計故特曉之曰如
是凡愚衆生自妄想修習生實无有妄爲生滅主
宰者但如幻夢色生言自妄想修習生此云邪師
邪教乃分別我執以一迷所說乃分別恣執也
問曰相續章乃大慧因番菴佛說轉變相故即問
生歿相續義狀生歿乃煩惱障招而但約言說而
問且舉極果之益 呂請者何耶 禽曰此經旨幽

潛殊非淺識所易窺也此由菴辨果地覺中佛說
覺人恣無我了知二障斷二煩惱離二種歿是名
佛之知覺故此斷靈科中約破二執斷二障 呂暴
真因也狀所知障單約執言說爲恣執故大慧以
言說爲問而所會十一相續皆執言說 呂爲所知
障 呂取變易生歿者乃俱生恣執也以障有二故
生歿亦二故未遂總以愚夫三相續乃煩惱障招
俱生我執是乃總結二障二歿皆七識執取所招
故歸過亏三和合計著識爲相續生歿之本也佛
意甚明第淺識者未易見耳

問曰苒世尊說妄想識滅名爲涅槃且云七識不生今者何已俱生二執歸過亏七識豈不自語相違耶 會曰觀佛立言各有所主非相違也以初云藏識因境界風吹故起苒七識淚爲生滅耳今暴藏識自性本來涅槃但因境界風吹故苒生歟若无境界風吹則自性爲常住涅槃矣狀境界乃五塵境界也且此塵境惟心所現本自如如若無六識攀緣執取則諸法如如不動矣但因六識不了唯心妄自攀緣執取則識風鼓扇返吹藏海起七波浪是則起境界風全是六識之過而七識不

預以此識依內門轉故故云不生此所以六識一滅則八識爲自性涅槃矣今言俱生二執歸過亏七識者已无始來一向七識單執八識爲我名我愛執藏集諸種子相續生歟名爲結生相續長劫不斷乃此識之能而六識不預焉以造業者乃六識受報者八識相續生歟者七識耳是各就勝能而說非苒遂自語相違過也

問曰經中一連節節大慧問中多舉果惠以請狀世尊結顯果惠已非一矣狀與正暴果惠有別耶 會曰大慧苒亏節次問中所言果者乃爲請

說汰利特舉果以顯汰益也世尊卽說果惠者乃
爲破邪以明真因乃舉果以鑒驗真因皆在因門
非正說果惠也今因行已圓二障已破五住已亾
永離二歎歸極一心因窮果滿已顯究竟一心之
極果此是正說果惠說二轉依以暴汰身出纏鑿
眞常暴我淨四惠此返妄歸眞之極則也

下第四卷

問曰當明汰身常住生歎涅槃等處返妄歸眞
業已究竟一心眞原矣大慧乃問剎那者何耶
奮曰此正原始要終結歸一心之極則也以初問

百八義佛旨宋滅一心而奮曰一切皆非故大慧
卽問諸識有幾種生住滅是則迷悟修鑿皆生滅
門中更也狀大慧初問百八義總該十界依正迷
悟因果不出五汰三自性八識二无我四門攝盡
故今致詰諸妄了悟一心已顯五汰三自性皆空
八識二無我俱遣究竟歸趣一心眞原以顯汰身
極則已示生歎涅槃等此是從迷返悟總屬生
滅邊收皆不出大慧初問二種生滅也意謂已育
相生住滅故育凡夫外道二乘偏邪之執以育流
注生住滅故育七地已育菩薩之見意顯縱悟汰

身亦未離生滅妄見所謂菩提心生滅心滅猶屬生滅今顯生滅本不生滅義若了本不生滅則則非一迷所說皆夢中事乃妄功用中昏修斷耳故舟夢中渡河之喻以顯昏所修證皆夢幻泐門方顯泐身向上極則也以此足見吾佛說始終不說一字乃頓宗之極則也

憨山老人夢遊集卷二十八

終

憨山老人夢遊集卷二十九

侍菴善錄

門人通炯編輯

嶺南弟子劉翹相重校

大學綱目淺疑題辭

余十九弃筆研三十入山絕文字五十被譴蒙恩
放嶺外今十四季矣迨來持益五羊諸子謬推爲知
言時時過從問道余卒無言應若虛來實迷愧矣愧
矣間有言禪視者余則若啞人喫黃檗耳己酉秋日
偶乞食來諸子具香齋予泐袪余得捧腹是諸子果
我也食訖請益余但吐粥飯氣耳含盞而別舟還轉
溪恩諸子飽我非一日矣竟莫齎嘗有言顏子問仁

章請者余咿嗚而已卽奇言不能徧徧亦不能盡而
求悅可衆心者談不易也呂諸子之食難消腹猶果
狀舟中睡足聳侍者讀大學聒我疑焉因取經一章
按綱目設問畱呂自洩且引顏子問仁仁章呂叅會之
如鼓刀狀兩半餉而率業讀之不成句非文也諦思
自幻讀孔子書求直指心法獨授顏子呂真傳的諛
餘則引而不發向不知聖人心印盡揭露亏二百五
言之間斲矣斲矣豈無目耶噤噤余率六十四矣而
今乃知可謂晚矣恐其歿也終亏泯泯故急呂告諸
子諸子率或過余半未半者卒而聳此可謂蚤矣如
臣馬見鞭影一息千里脊若鵝王擇乳豈不呂此爲
粥飯氣耶是特奇感亏一飯而發願諸子持此呂餉
天下之餓者非散言博施也已酉中秋舟二日方外
惠清書亏須陽峽之舟中

大學之道在明明德在親民在止于至善

大學者謂此乃沒量大人之學也道字猶方法也呂
天下人見的小都是小人不得偁爲大人者呂所學
的都是小方法卽如諸子百家奇謀異數不過一曲
之見縱學得成只成得個小人若肯反求自己本脊
心性一旦悟了當下便是大人呂所學者大故曰大

學大學方法不多些子不用多知多見只是三件更
傻子第一要悟得自己心體故曰在明明惠其次要
使天下人個個都悟得真我一般大家都不是舊時
知見斬新作一番更業無人無我共享太夸故曰在
親民其次爲己爲民不可艸艸半論而止大家都要
做到徹底處方纔罷手故曰在止于至善果能學得
者三件更便是大人 兩個明字要理會得昏分曉
且第二個明字乃光明之明是指自己心體第一個
明字昏兩意若就明惠上說自己工夫便是悟明之
明謂明惠是我本有之性但一向迷而不知恰是一

个迷人只說自家沒了頭馳求不得一日忽朕省了
當下知得本頭自在元不曾失人人自性本來光明
廣大自在不少絲毫但自己迷了都向外面他家屋
裏討分曉件件去學他說話將謂學得的昏用若一
旦悟了自己本性光明明一些不欠缺此便是悟
明了自己本有之明惠故曰明明惠悟得明惠立地
便是聖人此就工夫爲己分上說若就親民分上說
第一個明字乃是昭明之明乃曉諭之意又是揭示
之義如揭日月中天即是大明之明二意都要透
徹 問如何是至善會自古呂來人人知見只曉得

在善惡兩條路上走只管教人改惡遷善此是舊來
知見者何奇特殊不知善惡兩頭乃是外來的對待
之法與我自性本體了不干涉所引世人倫惡的可
改爲善則善人可變而爲惡足見善不足恃也引善
不到至處雖善不善故學人站立不任引不是到家
處非可止之地引此看來皆是舊日知見習氣耳
今言至善乃是悟明自性本來无善无惡之真體只
是一段光明无内无外无古无今无人无我无是无
非所謂獨立而不改此中一點著不得蕩无纖塵若
引善破惡惡去善存此猶隔一層卽此一善字原是
客塵不是本主故不是至極可止之地只須善惡兩
忘物我迹絕无依倚无明昧无去來不動不搖方爲
到家時節到此在己不見有可明之惠在民不見有
可新之民渾然一體乃是大人境界無善可名乃各
至善知此始謂知止

知止而後齊定定而后能靜

一節

定字乃指自性本體宋狀不動湛狀常定不待習而
后定者但學人不達本體本來常定乃去修習強要
去定只管將生平所習知見在善惡兩頭生滅心上
求定如猢猻入布袋水上按葫蘆似此求定寤季也

不得定何呂故病在用生滅心存善惡見不達本體
專與妄想打交滾所謂認賊爲子大不知止耳苟能
了達本體當下宋狀此是自性定不是強求得的定
只如六祖大師開示學人用心云不思善不思惡如
何是上座本來面目學人當下一刀兩段立地便見
自性狂心頓歇此後再不別求始悟自家一向元不
曾動此便是知止而后善定的樣子又云汝但善惡
都莫思量自朕得見心體此便是知止的樣子所呂
學人貴要知止知止自朕定 靜字與定字不同定
是自性定體此靜乃是對外面擾擾不靜說與定體

遠甚何也呂學人一向妄想紛飛心中不得暫息只
管在知見上強勉遏捺將心主靜不知求靜愈切而
亂想益熾必不能靜何呂故益爲將心覓心轉覓轉
遠如何得一念休息耶呂從外求入如人叫門不開
翻與守門人佗鬧鬧到卒底若真主人不見面畢竟
打開不得休息若得主人從中洞開重門則守門者
亦疾走無影而求入者真見主人則求見之心亦歇
滅無有矣此謂狂心歇處爲靜耳若不真見本體到
底淺不能靜故曰定而后能靜 安字乃是安穩等
貼之義又如安命之安謂自足而不求餘也因一向

求靜不得雜念紛紛馳求不息此心再無一念之安而今既悟本體馳求心歇自性具足无欠无餘安安貼貼慢活自在此等安閒慢活乃是狂心歇處而得故曰靜而後能安 慮字不是妄想思慮之慮亦不是思慮之慮乃是慮之慮故曰易無思也無慮也宋狀不動感而遂通天下之故又曰百慮而一致又曰不慮而徧正是者个慮字謂未悟時專在妄想思慮上求卽一件更千思萬慮到底没用也慮不到多思多慮亏心轉見不安今既悟明此心安狀自在舉心動念圓滿洞達天下更物了朕目苒此等境界不

是聰明知見算計得的乃是自心本體光明焰耀自朕具足的故曰安而後能慮 得字不是得失之得乃是不滲漏之義聖人泛應曲當群情畢焰一毫不謬徹見底原一一中節故謂之得非是吝所得也初未明明惠時專用妄想思慮計較籌度縱是也不得何旨故非真實故今旨自性光明齊觀竝焰群情异態通歸一理故能曲成而不違此非吝所得益旨不慮之慮无得之得故曰慮而后能得言非偶爾合節特由慮而合故

古之欲明明德於天下者

一節

此釋上本末先后之序。曰：驗明明德親民之實效也。就成己工夫上說，則曰明明惠爲本，新民爲末。蓋從根本說到枝末上，太今就成物上說，故從枝末倒說到根本處來。曰：苟從一心知止上做到處，而能得到此則天下事物皆歸我方寸矣。今欲要曰我既悟之，明惠曰揭示天下之人，顯使人人共悟，益欲字卽是顯力。謂我今既悟此明惠之性，此性乃天下人均賦共稟者，豈忍自知而弃人哉？故我顯揭示與天下之人，使其同悟同靈，但恐負此顯者，近于迂濶難取速效，且天下至廣，豈可一蹴而徧？故姑且先從一國做

將矣。所謂知遠之近，若一國見效，則天下易化矣。昔堯都平陽，舜宅百揆，湯七十里，文王百里，皆古之欲明明惠于天下之君也。孰不從顯力來？余故曰：欲顯力也。身爲天下國家之本，經文向遠，總歸結在修身。上可見修身是要緊的，衷而此一件事最難理會。豈是將者血肉之軀，束斂得謹慎端莊如童子見先生時卽此就可治國乎？豈是身上件件做得模樣好看如戲場上子弟相侶卽此可曰平天下乎？故修身全在心上工夫說。只如顏子問仁，孔子告曰克己復禮爲仁，此正是真正修身的樣子。隨告之曰：一日克

已復禮天下歸仁此便是真正治國平天下的實事
若不信此段克已是修身實事如何顏子請問其目
孔子便告之曰四勿乎且四勿皆修身之事也克已
乃心地爲仁之工夫也克已爲仁卽明明惠也天下
歸仁卽新民也爲仁由己此己乃真己卽至善之地
故顏子寡聰明黜肢體心齋坐忘皆由己之實效至
善之地也夫人之一身倫障礙者見聳知覺而已所
謂視聽言動皆古今天下人人舊習之知見爲仁須
是把舊日的知見一切盡要剗去重新別做一番生
涯始得不是夾帶着舊日個習之見可得而入曰舊

日的見聳知覺都是非禮雜亂顛倒一毫用不着故
剗心摘膽拈出箇勿字勿是禁令驅逐之詞謂只將
舊日的視聽言動盡行屏絕全不許再犯再犯卽爲
賊矣此最嚴禁之令也顏子一番當下便領會遂將
聰明隳了將肢體點了一切屏去單單坐坐而忘忘
到無可忘處翻身跳將起來一切見聳知覺全不似
舊時的人乃是從新自己別修造出一箇人一身來一
般如此豈不是新人耶自己既新就推此新己化民
而民无不感化而新之者此所謂一日克己復禮天
下歸仁正修身之效也不如此何曰修身爲治國平

天下之本耶。心乃本體爲主意乃妄想思慮屬客
此心意之辨也。今要心正須先將意根下一切思慮
妄想一齊斬斷如斬亂絲一念不生則心體純一
妄故謂之誠。盜心邪由意不誠。今意地无妄則心自
正矣。故曰欲正其心先誠其意。知與意又真妄之
辨也。意乃妄想知屬真知真知卽本體之明惠一向
被妄想障蔽不得透露故真知暗昧受屈而妄想專
權譬如權奸挾天子旨令諸侯如今要斬奸邪必請
上方之劍非真命不足。旨破僭竊故曰欲誠其意先
致其知知乃真主一向昏迷不覺今言致者猶達也

譬如忠臣忠欲除奸不敢自用必先致奸邪之狀達
亏其主使其醒悟故謂之致若真主一悟則奸邪自
不容其佗崇矣。故曰欲誠其意先致其知。物卽外
物一向與我作對者乃見番知覺視聽言動所取之
境知卽真知乃自體本明之智。光此一知字是迷悟
之原。呂述則內變真知爲妄想故意不誠不誠故不
明外取真境爲可欲故物不化不化故爲礙。是則此
一知字爲內外心境真妄迷悟之根。宗古人云知之
一字衆妙之門。眾禍之門。是也。今撥亂反正必內仗
真知之力。呂破妄想外用真知之焰。呂融妄境格卽

禹格三苗之格謂我呂至誠感通彼卽化而歸我所謂至誠貫金石感豚魚格也且知豕真矣不同故用亦异而格亦齊二呂妄知用妄想故物與我相杆格此格爲鬪格之格如云與接爲搆日與心鬪是也呂真知用至誠故物與我相感通此格乃感格之格如云格其非心是也且如驢鳴蛙噪窻葑艸皆聲色之境與我倫對爲杆格而宋儒豕舂驢鳴蛙噪見窻葑艸而悟者聲色一也向之與我杆格者今則化爲我心之妙境矣物化爲知與我爲一其爲感格之格復何疑 問真知無物可對如何感格亏物會真知其

實內外洞朕無物可對而感物之理最難搭口易曰宋朕不動感而遂通天下之故宋朕不動知體也天下之故外物也感而遂通格物也感通云者不昷真知鑽到物裏去呂真知蕩朕无物當葑故也真妄心境不容兩立外物如罌暗真知如白日若白日一昇群暗頓滅殆約消化處說感通耳呂暗感明則明成暗今呂明感暗則暗自謙而明獨立故雖感而本不相到而重在明也物體本虛呂妄取著故伦障礙今呂真知獨焰則單處洞朕无物可當情矣呂宋朕不動之真知達本來無物之幻物斯則知不待感而自

陽物不待通而自融兩不相卑敬矣敬矣故學人獨
資在真知真知一立則明惠自明元無一毫造伦大
學工夫所呂言明言知而修齊治平皆是物也

問始綱領說明惠親民止至善分明是三件更今條
目上只說明明惠於天下終歸到致知格物上若一
件更是何意會聖人此意最妙千古无人會得此中
八件更單單只重在一箇知字此知字即明惠乃本
體也葑云第一箇明字葑二意吾向所解致知格物
乃用葑悟明一意工夫已在知中止字即宋狀不
動之知體知止知字即第一箇明字乃工夫此一段

已知致至極處知體既極則誠意正心修身之能更
畢矣如此則明惠與新民分明兩更今欲明明惠于
天下乃用第二揭示昭明之意則致知格物亦可就
新民上說且知止而后有定是已立謂知所止則自
己脚跟已立定矣慮而后能得是已達謂己亏一切
更物通達而不違目葑无一毫障礙則泐泐皆真豈
非已達耶其所呂立所呂達皆仗真知之力也故今
做新民的工夫就將我已悟之真知致達于萬物之
中萬物既蒙我真知一焰則如紅爐點雪烈日消霜
不期化而自化矣故云致知在格物物自化故謂之

格彼物既格則我之明惠自狀焰明亏天下民不期新而自新矣所謂立人達人也如此則明惠新民只是三綱領者一而三三而一也故此八吏只了明明惠亏天下一句且從家國而後及天下者知遠之近也明甚 問如何格物就能亏得天下倉且道所格之物是何物即天地萬物盡在裏許豈除了天地萬物外別尋箇物來格耶若格物平不得天下如何孔子說一日克己復禮天下歸仁且道天下又是何物歸仁畢竟歸向何處太叅叅 問致知格物與克己復禮天下歸仁如何消會會克己即致知復禮

即格物天下歸仁即物格 問學人不會會己是物克是致知復禮則己化己豈非格物耶天下歸仁何等太夸氣爲是謂物格 問正心致知何辨會正心乃四勿先將視聽言動絕其非禮但可修身正己不能化物若致知專在格物則達人其功最大所已大學重在致知 問格物物格先後之旨會葺八吏著先字總歸重在末後致知上此是說工夫今從物格說至亏天下著後字亦是提起知字要顯向後七吏都是知字的效驗耳學人要在知字上著眼葺云致知格物者是感物已達其知此格字乃感格之

格今言物格而後知至者是藉物以驗知體意謂彼物但有一毫不消化處便是知不至極處必欲物消化盡了纔極得此真知如此則物格之格乃來格之格所謂神之格恩的格字正是天下歸仁之意物都來格方是知之效驗所引格物物格學人須要討分曉若物都來格了則一路格去直到天下无方纔罷手聖人意旨了朕明白只是要真實工夫做出乃見下落 問自天子引至无庶人壹是皆引修身爲本既云只一知字如何歸到修身上答不從修身上做起不道向虛空裏做所引聖人分明示汝克己復

禮天下歸仁引己卽己身乃是我最親之一物比外物不同克己乃是我致知先致在己身一物上若將自己此物格了朕後格天地萬物何難之有故通引修身爲本 問格有三義謂扞格感格來格會三義通由一人而發也請引喻明昔杞梁之妻善哭夫死哭之初哭則里人惡其聲狀其人故聳其哭則掩耳見其人則閉目引其哭异乎人之哭也其妻亦不引里人狀惡而不哭哭之既久里人不覺而哀痛之亦哭哭則忘其狀惡也狀惡忘則心專而憐之矣其妻亦不引其人憐己而不哭終哭之不休久則通里人


人皆善哭矣。善哭則忘其哀痛而不見若人
之爲哭者。人人善哭。哭久則通。里曰。成俗成則人
人皆謂自能哭矣。人人自能哭。則視杞梁之妻。猶夫
人也不异已。而與之周旋密邇。則無不念也。且杞梁
之妻之哭。非哭其夫也。哭其天也。天乃終身所依賴
者。失則不容不哭也。慟則終天之恨也。曰。知天不容
已。故哭亦不已。奚曰人厭惡而可已。耶。精使通里之
人。日日而詢之。哭。更哀也。殆非有意欲人憐已也。豈
詢而能止之。卽白刃在背。鼎鑊在後。威而止之。不能
也。何耶。曰。此天外無可哭者矣。初哭而人惡之者。曰。

哭之痛。特异于人也。扞格也。哭久而人人皆痛者。曰
哭之痛。切于人心。故人人皆自痛。非痛杞也。感格也。
益久而通。里善哭。曰。成俗。則不知哭。痛自杞出。抑視
梁妻。直類已焉。耳。斯則來格也。此言雖小。可曰。喻大
此。憨山大師所著大學綱領。淺疑也。大師居曹
溪。章逢之士。多負笈問道。大師現舉子身。而爲說
汰。今平過吳門。舉侶謙益曰。老人遊戲筆墨。猶有
童心。要非衲衣下事也。子其謂何。益聞張子韶少
學于龜山。闕見未發之中。及告。曰。曰。格物。物格
宗旨言。子專曲。錄微旨。晚宋。俛氣節者。皆首子

韶齡年九萍徑筵晚謫橫浦執書倚立
雙趺隱朕視少季氣節殆如雪泥鴻爪非有得于
徑山之淡而能朕乎今之爲子韶者願力不同其
呂世諦而宣正汰則一也扁鵲聞秦人愛小兒卽
爲小兒醫今世尚舉子故大師現舉子身而爲說
汰何謂非衲衣下事乎子韶嘗云每聞徑山老人
所舉因緣如千門萬戶一踏而開今之舉子能佗
如是觀大師金剛眼睛一一從筆頭點出矣萬曆
丁巳四月虞山幅巾弟子錢謙益焚香敬題

慈山老人夢遊集卷二十九終





心女六